

## **UTENZI WA IMAM HUSEN**

### **MWANDISHI: HEMED BIN ABDALLAH BIN SAID**

#### **UTENZI WA KISA CHA SAYYIDNA HUSSEIN**

1. Bismillahi Aziza, ArRahmani Mweneza, Ndiye wa Kwanza na kwanza, Wa milele na abadi
2. Ndiye Huyu 'IKayumu, Wa milele na dawamu, Ndiye muumba Adamu, Na wote wake waladi
3. Ndiye muumba 'ssamai, Na wote anbiai, Thumma na auliai, Wote ni wake ibadi
4. Jamii ni wake waja, Wala hawati mmoja, Kula atakae haja, Apata wake mradi
5. Kuumba kwake Jalali, Nabiu na Mursali, Aliyeumbwa awali, Tumwa wetu Muhammadi
6. Huyu alitangulia, Kisijawa vitu pia, Vyote vilivyobakia, Vijile yake baadi
7. Nuru yake yalidanda, Na sifaze zikenenda, Jina aketwa Kipendwa, Kipendo chake 'sSamadi
8. Baada ya kudhukuri, Sifa za Mola Jabari, Na za tumwa Mukhtari, Penda nitunge ishadi
9. Natanga tunga utenzi, Usipate nusu mwezi, Ama kwandika siwezi, Macho yametasawadi
10. Macho yamesawidika, Sioni vema kwandika, Kwa kula siku kushika, Karatasi na midadi
11. Macho yangu wanakwetu, Hayafafanui mtu, Natendea kazi yetu, Ya tangu jadi na jadi
12. Na kuiwacha si vema, Taja dhuriwa nakoma, Hata kwamba si mzima, Afadhali jitihadi
13. Na hadithiye kwambile, Nitakayo nitongole, Bajani moyo mkale, Tena mtuze fuadi
14. Mtoe na wasiwasi, Niwatulie nafusi, Baada ya kujilisi, Na roho kutabaradi
15. Ndipo niweleze shani, Ya Maulana Huseni, Dhuria wake Amini, Vita vyao na Yazidi
16. Huyu Yazidi sikia, Babaye ni Muawia, Kutawafukwe Nabia, Na arubaa Sayyidi
17. Wa kwanza Abubakari, Na Maulana Omari, Na Ally Haidari, Na mmoja taradidi
18. Maulana Athumani, Watu hao sikiani, Kuondoka duniyani, Ndipo hayo yakabidi
19. Kuondoka kwao pia, Kutawala Muawia, Miji yote kuzuia, Asibakie biladi
20. Akashika ufalume, Wala pasiwe muume, Na dhuriaze Mtume, Pendo likenda ahadi
21. Akampenda Huseni, Na watotowe nyumbani, Na angawa sultani, Asiweze kutaadi

22. Kakithiri Muawia, Heshima kamwekea, Na pendo kamzidia, Atakalo lisirudi
23. Akazidi muheshimu, Na wote bani Hashimu, Jamii kawakirimu, Akajifanya abidi
24. Baada hayo rafiki, Akenenda Dimishiki, Na dhuriaze sadiki, Asibakie wahidi
25. Kamtukua Huseni, Na dhuriaze Amini, Rijali na nisiwani, Wakubwa hata waladi
26. Dimishiki kenda nao, Muawia kawa nao, Akawaweka kikao, Kizuri kisikyo budi
27. Baada suu wuadhi, Akapatwa ni maradhi, Muawia kiaridhi, Akajua ni ahadi
28. Akajua ni ajali, Ya roho kunakali, Akamwita tasihili, Mtoto wake Yazidi
29. Akamuweka usoni, Wali wao faraghani, Muawia kabaini, Akamba ewe waladi
30. Ewe Yazidi mwanangu, Nitazama hali yangu, Muwili wote matungu, Na uzito wa jasadi
31. Muwili umezuiwa, Sijiwezi kujinua, Na sisi waja twajua, Mauti hatuna budi
32. Twajua kwa hakika, Ni faradhi kutoweka, Yazidi akatamka, Maneno akaradidi
33. Baba utakapokufa, Nnani nyuma Khalifa, Mtamalaki taifa, Na ezi ikambidi?
34. Akinena Muawia, Khalifa wewe dhuria, Lakini nakuusia, Usije ukafisidi
35. Sikia ewe mwanangu, Ushike wosia wangu, Wepukane na matungu, Hiyo siku ya mnadi
36. Kwanza nikuusiayo, Ezi ni kutunza moyo, Ujue na marikayo, Na walio kukuzidi
37. Na wote raia wako, Ukae nao kitako, Usikithiri vituko, Utakuja jihusudi
38. Na tena uwashauri, Ijiriapo amri, Ukae nao vizuri, Roho zao ziburudi
39. Pindi hayo ukitenda, Tambua watakupenda, Utakalo utatenda, Neno lako halirudi
40. Baada hayo yakini, Nakusikia Huseni, Na watotowe nyumbani, Alla Alla ya Yazidi
41. Alla Alla uwashike, Tangu waume na wake, Na jambo lisitendeke, Shati apende Sayyidi
42. Jambo asilolipenda, Usije ukalitenda, Tambua umejivunda, Hata kwa Mola Wadudi
43. Wala usimkasiri, Hata kwa jambo saghiri, Mpe kuti na uzari, Kabla wote junudi
44. Alla Alla muheshimu, Umzidie makamu, Kwani sisi tu hadimu, Walidio masayidi
45. Ewe Yazidi yashike, Yule asikasirike, Sisi tu watumwa wake, Na babuye Muhamadi

46. Na ukhalifa si wetu, Wala si wa baba zetu, Wake yeye bwana wetu, Sisi kwao tu abidi
47. Pindi atakapokuwa, Siwate kumtukuwa, Umsalimu ulua, Kuko kwao na urudi
48. Alla Alla ewe mwana, Akuapo Maulana, Enenda naye Madina, Na wote wake waladi
49. Umsalimu eziye, Kwamba atatwaa yeye, Au mtu atakaye, Ushike ndiya urudi
50. Atakalo mfanyie, Wala simzuilie, Na kadiri amriye, Ndiyo itayokufidi
51. Umtie mahabani, Dhahiri na faraghani, Siwe na kitu moyoni, Roho yako isafidi
52. Na pindi umpendapo, Hapana budi na pepo, Utakwenda kaa papo, Pa babuye Muhammadi
53. Pindi usipompenda, Kesho huna la kutenda, Ndia utakayokwenda, Na Majusi na Yahudi
54. Muawia kamaliza, Yazidi asikiliza, Maneno kamrudiza, Manenoyo hayarudi
55. Yote uloniusia, Baba nimeyasikia, Si mwenye kuyawatia, Yote uliyoradidi,
56. Baada hayo nakuli, Isipate siku mbili, Akapatwa na ajali, Mauti yakambidi
57. Alipokwisha toweka, Yazidi kafadhaika, Kasimama akazika, Na kuchawanya nakidi
58. Akaliweka tanzia, La babaye Muawiya, Na vitu vikangamia, Vingi visivyo idadi
59. Akavihasiri vitu, Akawakusanya watu, Si siku mbili si tatu, Ikawa hiyo abadi
60. Akawatinda ghanamu, Na wingi wa bahayumu, Na zakula tamtamu, Na sharubati waridi
61. Matanga akiondoa, Nguo mbaya kazivua, Akavaa za uluwa, Nzuri za kusafidi
62. Akajivika na taji, Lawaka kama siraji, Na wengi watundamaji, Majaria na abidi
63. Akajivika libasi, Hudhuri na sandusi, Zawaka kama shamsi, Rihi ambari na udi
64. Akavaa burukhuti, Akakikalia kiti, Cha lulu na yakuuti, Chema cha zabarijudi
65. Akatungika johari, Na thoria mnawari, Vyandarua vya hariri, Siriri na l'wasidi
66. Sayo yakisha tendeka, Akakutubu nyaraka, Kula nti kapeleka, Akamkua junudi
67. Akaweta asibaki, Kula panapo muluki, Wakutane Dimishiki, Wamkiri usayidi
68. Barua zisibakie, Na kula asikiaye, Akaja na kaumuye, Na nyingi mno zawadi
69. Wakaitika amri, Jamii ya ansari, Wakakutana jifiri, Kuja kwake makusudi

70. Walipokwenda timia, Yazidi akawambia, Jambo alilowetia, Ya maishara junudi
71. Mimi nimetamalaki, Aridhi ya Dimishiki, Na jamii ya muluki, Mje kwangu musujudi
72. Mimi ndimi sultani, Niwetapo nitikani, Pasiwe na ushindani, Wala mwenye kukaidi
73. Mimi ni wenu amiri, Ambaye amenikiri, Tamjaza utajiri, Na kula siku nizidi
74. Ambaye amekubali, Tamjaza mangi mali, Yeye na wake ayali, Na wakewe na abidi
75. Ambaye hakuridhika, Kuwa mimi mamlika, Rasiye itaondoka, Kwa saifi ya hadidi
76. Tamkata yake rasi, Nimwangu kama sisi, Semani hima upesi, Nipate kuyafanidi
77. Jamii wakabaini, Wewe ndiwe sultani, Akubishaye nnani?, Hapo mwenye kukaidi
78. Wewe ndiwe bwana wetu, Uliyemiliki watu, Wala hazumbuki mtu, Kuja kwako na taadi
79. Na ambaye atakuja, Kwa harubu au huja, Shauri letu ni moja, Tambua tutakufidi
80. Haya wakishatamka, Yazidi kafurahika, Akawapa twika twika, Jeshi yote ikarudi
81. Kabaki yeye pekee, Na mjini kaumuye, Akampa ampaye, Wengine akawazidi
82. Akaweka mawaziri, Na aribabu amri, Akadirika hamri, Barazani ikabidi
83. Kinyang'anya masikini, Wenye kupita ndiani, Na wajao barazani, Wengine kiwahasudi
84. Kawakataa tariki, Sipitike Dimishiki, Watu wakataharuki, Kwa mambo yake Yazidi
85. Akaitenda jeuri, Kubwa isiyo kadiri, Raia na mawaziri, Wote wakasitajidi
86. Na kula mtu ambaye, Alipendwa na babaye, Yeye kawa hasimuye, Akija kimtaridi
87. Ali akiwasukuma, Wenye haya na huruma, Akakithiri dhuluma, Na kila siku kuzidi
88. Akautupa wosia, Wa babaye Muawiya, Ukazidi utaghia, Mno akatamaridi
89. Na Maulana Huseni, Asimpe nufaani, Wala kwenda barazani, Asipende mshahidi
90. Na mtu amtajaye, Alosimama mbeleye, Yuamkata nyamaye, Na kumpiga jalidi
91. Kamzia Maulana, Asitake kumuona, Pasiwe neno kunena, Ila la kumuhusudi
92. Akashirabu khamri, Na jilasi ikajiri, Na nyama ya hinziri, Akila na kurajidi
93. Kuonakwe Maulana, Vitendo vyake laana, Na babaye alonena, Yote hayakusuudi

94. Kuonakwe tafauti, Kondoka suu wakati, Kenda kwa wake ukhti, Ili kwenda muradidi
95. Akifika akalia, Nduguye akangalia, Sakina akamwambia, Waliza nini Sayyidi?
96. Akatamka Sakina, Una nini Maulana, Ambalo ni kubwa sana, Jambo lililokuzidi?
97. Kilio chako Huseni, Kitawaliza majini, Na malaika mbinguni, Na baharini swayyidi
98. Na nyama wote barani, Watangia kilioni, Hata maji baharini, Pia yatatujamidi
99. Usilie Maulana, Na uliyo nayo nena, Kwa amriye Rabana, Neo lako halirudi
100. Huseni akamwambia, Ewe Sakina sikia, Yalieronipa kulia, Ni mambo yake Huseni
101. Ametukiwa na siye, Hapendi atusikie, Ni kheri tumuukiye, Si naye tuwe baidi
102. Sikia ewe Sakina, Twenende zetu Madina, Hapa sipataki tena, Hata kwa saa wahidi
103. Twende zetu Yathiribu, Kunako nyumba za Babu, Tumwondokee harabu, Atakayetuhusudi
104. Ni hayo maneno yangu, Nitakayo roho yangu, Wanenaje nduu yangu, Katika suu mradi?
105. Kamaliza Maulana, Akatamka Sakina, Sayyidi unayonena, Mimi ni bora zaidi
106. Huyu ametakabari, Na kumuasi Jabari, Na kushirabu khamri, Na watu kuwajalidi
107. Na babaye Muawiya, Pia alomuusia, Yote hayakutimia, Hata kwa jambo wahidi
108. Afadhali twende zetu, Kunako majumba yetu, Kwani Yazidi si kitu, Amekwisha tamaridi
109. Walakini kamjibu, Umuarifu kitabu, Nenda zangu Yathiribu, Wala huku sitarudi
110. Mpelekee khabari, Ya kumuaga safari, Tusikize madhukuri, Atakayo kuradidi
111. Kwani tutokapo Kofu, Tusipo kumuarifu, Atasema tuna khofu, Haya atayafanidi
112. Sakina kwisha kalimu, Mara Huseni kakumu, Akaagiza kalamu, Na lauhi na midadi
113. Akawandika waraka, Tasihili kwa kikaka, Ila muhibu pulika, Sikia ewe Yazidi
114. Rohoni nimeazimu, Kwenda Madina kukimu, Au kunako Haramu, Hakae nitaabidi
115. Napenda kwenenda Maka, Au Madina hifika, Hatake pa kuniweka, Katika mbili biladi
116. Nami siwezi safiri, Ila unipe amri, Na ambapo hukukiri, Taka nitabaradi
117. Nipe rukhusa ya kwenda, Au niambie Vunda, Kula utakalopenda, Siwezi kukukaidi

118. Kashilia Maulana, Kaukunda iyo hina, Kamsalimu kijana, Kenda nao kwa Yazidi
119. Ikiwasili barua, Yazidi kaufungua, Jamii makutubua, Yote akayaadidi
120. Hata akisha usoma, Kaupindua kwa nyuma, Aketa kalamu hima, Kumuarifu Sayyidi
121. Maneno akabaini, Akamba ewe Huseni, Kwangu wataka idhini, Ndiyo uliyoradidi
122. Tumia khiari wewe, Hayo ni yako mwenyewe, Mimi sina haja nawe, Sipendi kukushahidi
123. Ukenenda sikutaki, Wala hu wangu rafiki, Na uwapo Dimishiki, Sikupi hata nakidi
124. Sipendi kushuhudia, Kwamba Rabi ajalia, Kuigauza dunia, Ikawa zabarijudi
125. Ningewapa insani, Watu wote duniani, Wewe ukaitamani, Ujapo kujitahidi
126. Kwangu hupati mahaba, Wala kula ukashiba, Nakuwazia msiba, Na 'ladhabu shadidi
127. Na Maka ukiwasili, Majumba yangu ya mali, Nenda kayakae mbali, Usende ukarajidi
128. Sende ukapanda ngazi, Majumba yangu ya ezi, Akimaa matongozi, Waraka kaujadili
129. Kamsalimu risali, Kenda nao tasihili, Hata alipowasili, Kwa Maulana sayyidi
130. Kausoma kauona, Kenda nao kwa Sakina, Akamba tazama mwana, Maneno yake Yazidi
131. Amesema ni khiari, Kukaa na kusafiri, Wanambiaje shauri?, Mwanamke karadidi
132. Mwanamke kadhukuri, Hapana tena usiri, Na watengeze bairi, Wa kuja panda waladi
133. Hima twandame tariki, Tuitoke Dimishiki, Huseni akasabiki, Kamzaini jawadi
134. Twika kazitengeneza, Ngamia akawatwisa, Kula ambaye apasa, Waungwana na abidi
135. Wakalekea safari, Wakamuomba Jabari, Wakaikabili bari, Yenye nondo na asadi
136. Rabi akawanusuru, Kwenda kheri wa sururu, Pasiwe la kuwadhuru, Dhuria za Muhammadi
137. Kawanusuru Rabuka, Kwa maafa na shabuka, Nondo wote na majoka, Wakuja wakisuu
138. Jamii watu wazima, Hata watoto yatima, Wakiwasili salama, Badari 'lmakusudi
139. Walipofika Madina, Watu walipowaona, Wakafurahika sana, Furaha kubwa shadidi
140. Wakatelelea rikabu, Wakangia Yathiribu, Jamii ya Waarabu, Wakamlaki sayyidi
141. Akafikilia dari, Ya babaye Haidari, Ndiyo aliyokhiari, Kuwatia auladi

142. Baada ya kuwasili, Akenenda tasihili, Kaburini kwa rasuli, Kumzuru wake jadi
143. Kimaa yake zuari, Kaburi iketa nuri, Hata juu ya kamari, Nuru hiyo ikazidi
144. Kwishakwe zuru nabia, Roho ikafurahia, Nyumbani akarejea, Nyumbani kwake kurudi
145. Ali yeye na nduguye, Alokwenda zuru naye, Mtakapo ismuye, Jina ketwa Muhammadi
146. Ni mwana wa Shekhe Ali, Kazawa nyumba ya pili, Naye katika kitali, Kama umeme na radi
147. Jamii zote taifa, Wamwita bunu Khanifa, Wala hafikiri kufa, Atokeapo jihadi
148. Ali simba maalumu, Katika nchi ya Shamu, Ambapo ataranamu, Utamboni akabidi
149. Hakiwa akizumbuka, Awezaye kumfika, Wote wenye kutajika, Kwake wakasitajidi
150. Basi wakarejeea, Na Maulana pamoya, Nyumbani wakenda ngia, Kwa baba yao asadi
151. Na wote 'lAnsari, Na jamii Muhajiri, Pasibakie saghiri, Msifurahi fuadi
152. Wale wakamkirimu, Kwa zakula tamtamu, Wakamuweka makamu, Na pendo likashitadi
153. Jamii wakalingana, Kumwambia Maulana, Kula utakalonena, Kwani ni yako biladi
154. Sisitahi bwana wetu, Roho ikataka kitu, Nafasi na mali zetu, Ni yako wewe Sayyidi
155. Sote tumefurahika, Madina unavyofika, Hatupendi kuondoka, Katika zetu fuadi
156. Basi wakasimulia, Hata kiza kikangia, Wakenenda zao pia, Pasibakie wahidi
157. Ila ni wao theneni, Wao wawili nyumbani, Akatamka Huseni, Kamba Ewe Muhammadi
158. Sababu ya kuja zangu, Ni ghadhabu na matungu, Ya hayo asi wa Mungu, Abdullahi Yazidi
159. Alipokufa babaye, Hamtazama haliye, Sikuweza kaa naye, Kwa jeuri na taadi
160. Yote aliyousiwa, Hata moja halikuwa, Aliposhika ulua, Kangia na kufisidi
161. Nami kanizia sana, Asitake kuniona, Haona sina maana, Kukaa yake biladi
162. Haradhiwa kuondoka, Kuja Madina na Maka, Muhammadi katamka, Ahsanta Sayyidi
163. Hasanta bun Ali, Kuja zako afadhali, Mtu kukaa muhali, Wala asipo mradi
164. Miji yao maghasiki, 'lKofu na Dimishiki, kukaa wewe ni dhiki, mashaka hayana budi
165. Na Yazidi bardhuli, Kuwania udawali, Wala si yao asili, Si ya jadi na jududi

166. Huu ulua ni wetu, Wa baba na babu zetu, Wala hazumbuki mtu, Ambaye ametuzidi
167. Wenyewe tukiutaka, Twenenda tukaushika, Na afanyapo dhihaka, Tukamuonya hadidi
168. Na kwamba hatuutaki, Ya nini kwenda jidhiki?, Kheri kufuata haki, Ya Mola wetu Wadudi
169. Nawe sasa Maulana, Keleti hapa Madina, Kula utakalo nena, Neno lako halirudi
170. Na utakapo Makati, Enenda zako kaketi, Na kwamba wataka nti, Takuwali sina budi
171. Utakapo ukhalifa, Sema niwete taifa, Ahadi ni mimi kufa, Ndipo uone taadi
172. Takawali hivi sasa, Utamalaki kabisa, Pasiwe mtenda kisa, Ukate utabaridi
173. Huseni kamrudia, Ya 'lakhi nisikia, Hayo sikupendelea, Kutamalaki junudi
174. Roho yangu naazimu, Nenende hasitakimu, Maka kunako Haramu, Nimuabudu Wadudi
175. Niabudu Subhana, Kwa usiku na mchana, Nitazame kwa Rabana, Atakalo kunibidi
176. Ezi sina haja nayo, Haimo katika moyo, Wakisha kusema hayo, Wakenda wakarajidi
177. Akaketi Maulana, Siku ashara Madina, Khatima wakandamana, Nduguye akamuwadi
178. Maulana akatoka, Akakusudia Maka, Siku haba zikifika, Akawasili biladi
179. Alipokwisha wasili, Wakatoka kabaili, Wanawake na rijali, Kwenda mlaki Sayyidi
180. Katoka bun Zuberi, Abdalla mashihuri, Pasibakie saghiri, Waungwana na abidi
181. Na Abdalla yuani, Ni ndugu yake Huseni, Wa katika ridhaani, Zamani wali wabidi
182. Ni nduguye hana huja, Walinyonya ziwa moja, Akenda akimngoja, Bara katika 'lwadi
183. Na Abdalla pulika, Zamani hizo hakika, Ndiye khalifa wa Maka, Mtamalaki junudi
184. Wakamlaki Huseni, Na ndugu yake Sakini, Wakamtia mjini, Na furaha za fuadi
185. Abdalla akanena, Twende kwangu Maulana, Kwenda pengine hapana, Kwangu ni bora zaidi
186. Kuwasilikwe fahamu, Ikafanyiwa karamu, Ya hubuzi na lahamu, Na vitu vya kusafidi
187. Twenende kwangu nyumbani, Ukae uje makini, Akatikia Huseni, Asiweze kumrudi
188. Kasimama Abdalla, Akafanyiza vyakula, Na wengine kabaila, Wote wakajitahidi
189. Kula mtu katamani, Kumkirimu Huseni, Vitu launi launi, Vya moto na vya baridi



190. Karamu zikafanyiwa, Na kuliwa zikasazwa, Hata kukangia kiza, Usiku ukasawidi
191. Watu wote barazani, Wakarejea nyumbani, Kabaki yeye Huseni, Na mtoto wa asadi
192. Huseni akatamka, Ya Abdalla pulika, Kisa cha kungia Maka, Na Dimishiki kurudi
193. Ni ibnu Muawia, Mambo alonifanyia, Uasi na utaghia, Jeuri na uhasidi
194. Amekithiri jeuri, Uasi na ujabari, Si mwenye kutafakari, Na kwamba yuko Wadudi
195. Amekithiri uasi, Kupita hao Majusi, Nilipoona jinsi, Hushika ndia harudi
196. Babaye akifariki, Akaushika muluki, Yote hakuyasadiki, Aliyokumradidi
197. Yote alomuusia, Jamii hakuridhia, Sikuweza vumilia, Mji wake kurakidi
198. Nimekuja zangu kwetu, Kuliko majumba yetu, Niabudu Mola wetu, Rakaa na kusujudi
199. Abdalla akanena, Hasanta Maulana, Yamenipendeza sana, Kuja Maka kukaidi
200. Kama wewe kuja Maka, Utakalo ni kutaka, Inshalla litatendeka, Kula utaloradidi
201. Ulitakalo twambie, Hapana alibishaye, Twajua bwana ni wewe, Tangu jadi na jududi
202. Utakapo khalafati, Sasa takitoa kiti, Utamalaki Makati, Na jamii ya biladi
203. Nikuwali ukhalifa, Wa babuyo Musitafa, Na mweye kutaka kufa, Ni mwenye kukukayidi
204. Na asemaye hataki, Sharuti tamuhiliki, Na Yazidi Dimishiki, Tapanda mimi jawadi
205. Nitukue farisani, Wazoefu wa vitani, Kama simba ghadhibani, Walio kama asadi
206. Dimishiki nirikabu, Niuonyeshe barabu, Hadi ni kutaadabu, Yeye na wake juhudi
207. Ningie na bildiye, Nitafute asemaye, Nimuondoshe rasiye, Kula aliye hasidi
208. Pasibaki kabaili, Ambaye hatakubali, Huseni kamba ni kweli, Yote unayoradidi
209. Walakini ndugu yangu, Siupendi ulimwengu, Taka abudu Muungu, Ni huu wangu mradi
210. Sitaki usultani, Taka niwe masikini, Wala hayo sitamani, Kwenda wapiga jihadi
211. Nataka niketi Maka, Nimuabudu Rabuka, Wala sipendi kwondoka, Hata ifike ahadi
212. Hapano Maka sondoki, Na ukhalifa sitaki, Kisha sayo kunatiki, Wakenda wakarakidi
213. Baada hayo yuani, Kaketi Make Huseni, Wote walio mjini, Kupenda wakamzidi

214. Wakampenda sikia, Yeye na wake dhuria, Kula siku kuzidia, Mahaba mangi shadidi
215. Wote wakamjamili, Yeye na wake tifili, Na wake namarijali, Wakubwa na auladi
216. Wasitambike nufaa, Wala nguo za kuvaa, Wala nyumba ya kukaa, Tena akataabadi
217. Roho akaituliza, Akaabudu Aziza, Hata usiku wa kiza, Haramuni kisujudi
218. Kaabudu Mola pweke, Kwa kusafi moyo wake, Yeye na msala wake, Pasiwe na kurakidi
219. Akakithiri saumu, Na yake masitakimu, Yali ndani Haramu, Ikwa hiyo abadi
220. Asitake neno tena, Ila dini ya Rabana, Baada sayo nanena, Mambo baidi baidi
221. Nataka niyakutubu, Niyaweke babubabu, Nisije nikaharibu, Haja hambiwa kusudi
222. Nataka nielekeze, Kula kwa sifaze, Na utenzi upendeze, Nilio kuufanidi
223. Baada kupita hayo, Maneno niwambiayo, Sasa ni kutuza moyo, Niwakhubiri Yazidi
224. Kwondoka kwake Huseni, Kashika usultani, Kamiliki buldani, Kwa nguvu na uhasidi
225. Akawadhiki wenziwe, Wageni raiawe, Jamii wasitongoe, Pasi mwenye kuradidi
226. Watu akiwadhulumu, Na kula mna haramu, Na nguzo za Islamu, Zote asitaamidi
227. Wangine kiwadhurubu, Wala pasipo sababu, Akawa mnoa harabu, Kushinda hao Yahudi
228. Ndia zikafungamana, Pasiwe safari tena, Na ambaye amuona, Humwegema kwa hadidi
229. Kiwapoka watu mali, Wangine kiwakituli, Ndia zote kazidhili, Za karibu na baidi
230. Pasiwe asafiriye, Ala mtu enendaye, Kwa vitendo na haliye, Awatendavyo junudi
231. Kisha sayo nitamke, Katika kaumu yake, Mli mtu jina lake, Akitwa bun Ziadi
232. Jinale Abidallahi, Ali adui asahi, Dhuluma na ukabihi, Apita huyo Yazidi
233. Akichecha watu damu, Kwa jeuri na dhulumu, Hali akisha karimu, Ali jabari anidi
234. Yazidi kumuonakwe, Jeuri na hali yakwe, Kampenda yakwe, Pendo lisilo idadi
235. Kawa mtu maarufu, Tena akamsharifu, Akenda muweka Kofu, Akampa na biladi
236. Kampa katamalaki, Tangu Kofu na Iraki, Neno ambalo hataki, Pasiwe mwinua yadi
237. Akenda akaishika, Kakusa watu mashaka, Viumbe wakadhilika, Ikiwa kheri abidi

238. Jamii watu wa Kofu, Roho zikangia khofu, Kwa mambo yake dhaifu, Aliyo kutaahidi
239. Pasiwe mtu mzima, Wala naye heshima, Na mabaye uasema, Mara yamkaidi
240. Hunyang'anywa mali zao, Huuliwa wana wao, Hutwaliwa nyumba zao, Hali ya nguvu shadidi
241. Mali zao hutwaliwa, Na wao wakauawa, Na wasemalo haliwa, Wa sawa na 'kurudi
242. Wakakeleti mjini, Wakawa kama manyani, Mashekhe na madiwani, Nyuso zikawa sawidi
243. Pasiwe mwenye shauri, Wala anye amri, Kwa kushitadi jeuri, Akaptia Namrudi
244. Wa Kofu wakiyatunza, Dhuluma na miujiza, Wakamba hatutawaza, Dhuluma inatuzidi
245. Wakakutana kabili, Wote wazele wazele, Na mashaibu wa kale, Wasizo na 'Imuridi
246. Mashekhe na madiwani, Wakangia faraghani, Wakauzana yakini, Mwaionaje biladi?
247. Mwaonaje wenye nti, Na hakim mwenye kiti, Tutaweza kuiketi, 'IKofu tukakhalidi?
248. Mwaonaje wenye kaya, Na huyo mwenye ulaya, Na mambo yake ni haya, Atutendayo abadi?
249. Kwa jamii wamwambie, Bunu Ziadi mamboye, Hapana ayawezaye, Yanatuchoa fuadi
250. Hatuwezi siku moja, Kuvumilia miuja, Kupigwa pasipo huja, Kama tunao jihadi
251. Kupigwa kama watoto, Kwa bakora na makoto, Haya ni mambo mazito, Hatuwenepo abadi
252. Kupigwa tukiwawa, Na mali yakitwaliwa, Wala hakutaadiwa, Si kwamba tuna taadi
253. Katungia kwa batili, Akatunyang'anya mali, Kuno akatukutuli, Mambo yanatupa hadi
254. Shauri na tufanyeni, Tuli hapa faraghani, Wangine wakabaini, Walio wana mradi
255. Wangine wakatamka, Yote yaliyotungika, Ya adhabu na mashaka, Tunayataka kusudi
256. Maana tuna yakini, Ezi na usultani, Si wake huyu laini, Wala babaye Ziadi
257. Wala si ya Muawia, Hawa wanajitwalia, Kutamalaki raia, Kampasaje Yazidi?
258. Sisi tu makabaili, Kutoka majitu mbali, Yakaja na ufedhuli, Katika zetu biladi
259. Wakatenda watakayo, Nasi tukaona ndiyo, Twabasa ni kama hayo, Hata yajapo tuzidi
260. Ezi si ya Marijani, Babuye huyo laini, Wala si ya Sufiyani, Babuye huyo Yazidi
261. Twayajua kwa makini, Ezi mwenyewe Huseni, Kwa babu yake Amini, Na baba yake Asadi

262. Twayajua maarufu, Jamii tulio Kofu, Kwondoka kwake Sharifu, Ezi  
ya wake waladi

## UTENZI WA IMAM HUSEN

### UTENZI WA KISA CHA SAYYIDNA HUSSEIN

263. Na Huseni kuwasili, Hasha haya hakubali, Ya dhuluma na batili,  
Zote tungetabaradi

264. Angeitengeza haki, Tangu Kofu na Iraki, Hata huko Dimishiki,  
Ikafika yake yadi

265. Jamii sote raia, Roho zingefurahia, Angehukumu sharia, Yake  
Muungu Wadudi

266. Nasi tungekuwa naye, Tukafuata eziye, Tukaola asemaye, Jamii  
tukamrudi

267. Hayo wakisha yasema, Jamii watu wazima, Wakaona kuwa mema,  
Kuwa kheri na suudi

268. Jamii wakatamka, Na twandikeni waraka, Na mtu wa kwenda Maka,  
Tumuarifu Sayyidi

269. Wakataka karatasi, Ikaja hima upesi, Na kalamu ya nukhasi, Na  
wino mtasawadi

270. Wakatafuta katibu, Fasihi wa kiarabu, Khati wakaikutubu, Maneno  
wakaradidi

271. Bismillahi Jalali, Ila mtoto wa Ali, Mjukuu wa Rasuli, Tumwa wetu  
Muhammadi

272. Ila Sayyidi Huseni, Bun binti Amini, Twakuarifu yakini, Kwetu  
yanayotubidi

273. Ajile mtu kabihi, Jinale Abidallahi, Miji ameifusahi, Kwa hali ya  
kufisadi

274. Na aliyetuletea, Ni ibunu Muawiya, Mambo yametuzidia, Hatuwezi  
kujimudi

275. Ameingia 'IKofu, Kwa mambo yake dhaifu, Sote tumetawakafu,  
Kama tunao baridi

276. Kaziye kula haramu, Na watu kuwadhulumu, Hapana mwenye  
makamu, Awezaye kuradid

277. Ataka badili dini, Ya babu yako Amini, Sote tuwe taghiyani,  
Tusujudie Yazidi

278. Mwenye mke si mkewe, Mwenye mwana si mwanawe, Ni kama  
kuku kwa mwewe, Hali alivyotushidi

279. Na sasa twakuarifu, Twakutaka uje Kofu, Wala usitawakafu, Alla  
Alla ya Sayyidi

280. Maana ndiwe Khalifa, Wa babuyo Mustafa, Na wasaliao Kofa,  
Wote ni wako abidi

281. Hima ni kutujilia, Utamalaki raia, Ambaye hakuridhia, Juu yetu  
kumrudi

282. Tukusalimu eziyo, Ya babuyo na babayo, Na mwenye kufanya  
payo, Tumuonyeshe hadidi

283. Na Yazidi akitaka, Harubati na shabuka, I juu yetu daraka, Kuwana  
nae Yazidi

284. Vita vyake twavikifu, Jamii tulio Kofu, Wala usitie khofu,  
Wajapokuja juradi

285. Twavitosha vita vyake, Yeye na kaumu yake, Bora ni wewe ufike, Uje tukupe biladi
286. Ni hayo maneno yetu, Tafadhali bwana wetu, Twakutaka kuja kwetu, Na haiba tusirudi
287. Wakaukunda waraka, Roho zilifurahika, Tena wakaupeleka, Kwa upesi na juhudi
288. Basi risala akenda, Akizikata ya nanda, Pa milima akipanda, Majimbo yote na wadi
289. Hata akafika Maka, Kwake Huseni pulika, Na rukhusa akitaka, Hodi wenye nyumba hodi
290. Tena kataka idhini, Kuonana na Huseni, Akambiwa pita ndani, Ndiko kunako Sayyidi
291. Yule risala kangia, Kwa Huseni kangukia, Kampa akapokea, Waraka kaufaridi
292. Akayasoma Huseni, Yaliyomo warakani, Kuyaonakwe yuani, Risala kamtwaridi
293. Kautwaa warakawe, Akatowa mkonowe, Akampiga usowe, Khati ikamjalidi
294. Akampiga mateke, Yeye na waraka wake, Yule risala anguka, Toba na toba Sayyidi
295. Akampiga mabawa, Kwa hali ya kutukiwa, Yule risala kaawa, Kakimbia asirudi
296. Kakimbia kenda zake, Yeye na waraka wake, Hata akifika kwake, Wenziwe kwaradidi
297. Faraghani kiwataka, Akawambia hakika, Yaliyompata Maka, Sikuupata muradi
298. Kwa jamii wakanena, Twandike waraka tena, Maana mambo twaona, Kula siku kutuzidi
299. Wakawandika wa pili, Na maneno wakakuli, Bwana wetu tafadhali, Tulitakalo tubidi
300. Ukenda tena waraka, Huseni kaghadhibika, Na watatu wakandika, Kwa shauku za fuadi
301. Mwaka haujatimia, Khati wakamwandikia, Idadi yake sikia, Khati alufu idadi
302. Zote za kumuarifu, Twakutaka uje Kofu, Na Maulana hashufu, Hajali hata wahidi
303. Kula waupeleka, Hupiga risala wao, Katwa wasipate shuo, Wala kukidhi mradi
304. Walipojua yakini, Hataki kuja Huseni, Khati wakaizaini, Maneno wakasanidi
305. Wakawandika waraka, Kumtisha kwa Rabuka, Na kumpa maalaka, Kesho mbele ya Wadudi
306. Barua wakayandika, Ewe Huseni pulika, Khati tumezipeleka, Nyingi hazina idadi
307. Khati haziidadiki, Twakwita uje Iraki, Na wewe kuja hutaki, Na sasa twakuradidi
308. Kesho mbele ya Khaliki, Tutakwenda kushitaki, Ukatupe zetu haki, Hapo mbele ya Wadudi

309. Tutamwambia Manani, Twalimwambia Huseni, Tuli hali duniani, Asitake kutufidi
310. Yote twalimkalimu, Ya kwamba tu madhulumu, Asitake tuhukumu, Akakataa kusudi
311. Nasi leo Mola wetu, Twazitaka haki zetu, Shaurilo bwana wetu, Lipi utaloradidi?
312. Haki zote utatoa, Za wenye kudhulumiwa, Ukae ukitambua, Na kwamba hayana budi
313. Wala huna la kusema, La kumjibu Karima, Hiyo siku ya kياما, Ila kulipa junudi
314. Utawalipa khaliki, Wa Kofu na wa Iraki, Huna utakakobaki, Ibada uloabidi
315. Kwisha kwandika barua, Risala wakamtoa, Barua kaitukua, Kenda hata kwa Sayyidi
316. Alipowasili Maka, Kwa Huseni akafika, Barua akaishika, Kusoma akiadidi
317. Alipokwisha isoma, Muwili ukatetema, Mfano anaye homa, Au la nyingi baridi
318. Huseni katetemeka, Kwa kumkhofu Rabuka, Na matozi kumtoka, Ndia mbele yakabidi
319. Matozi yakamuawa, Kwa kucha kushitakiwa, Na haki kwenda zitowa, Za jamii ya junudi
320. Akalia Maulana, Na kufazaika sana, Kwa kumkhofu Rabana, Watu kwenda mjalidi
321. Akisha kulia mno, Keta dawati na wino, Akayandika maneno, Kwa lafudhi tajididi
322. Waraka kaukutubu, Ila kafa 'Imuhibu, Maneno mulonijibu, Yamenichoma fuadi
323. Khati zalotangulia, Maneno mulonambia, Yote sikuyaridhia, Zote nalizitaridi
324. Wa ama khati ya mwisho, Imekithiri matisho, Kwenda nishitaki kesho, Kwa Mola wetu Wadudi
325. Nami sasa sina huja, Wala sina jambo moja, Litaloniasa kuja, Tasafiri sina budi
326. Nimemleta fahamu, Ndugu yangu Mselemu, Aje akae makamu, Ya sala na kusujudi
327. Akae msikitini, Na kadhi ni Nuamani, Awahukumu mjini, Kula mwenye kutaadi
328. Mselemu na asali, Na Nuamani ni wali, Na karibu tawasili, Kwa amri ya Wadudi
329. Kwisha kwandika fahamu, Kaufunga marukumu, Akamwita Mselemu, Ndoo hima bunu jadi
330. Mselemu kawasili, Maulana akakuli, Ewe ibni Akili, Sikia nakuradidi
331. Nenda ukatwae sefu, Uje nikutume Kofu, Na wendapo tawakafu, Uwasalishe junudi
332. Nenda kasalishe wewe, Nuamani aamuwe, Wala manginge yasiwe, Na mimi najizadidi

333. Nawakusanya ghulamu, Na tweka za bahaimu, Siku haba hazitimu, Ndio yangu makusudi
334. Mselemu ketikia, Marahaba mara mia, Hali ya kufurahia, Utumwa wake Sayyidi
335. Akanena Inshalla, Ewe aba Abdalla, Mimi naona fadhila, Nenolo tajitahidi
336. Hivi sasa nenda kwangu, Nenda twaa uda zangu, Niwaage na wanangu, Farasi tamjalidi
337. Akenenda Mselemu, Kaaga wake ghulamu, Akakaa na hasamu, Sefuye kaikalidi
338. Kamzaini farasi, Akampanda upesi, Roho ina wasiwasi, Kandamana na abidi
339. Wakenda pasi muhula, Yeye na yule risala, Wala pasiwe kulala, Hata kunako biladi
340. 'Ikofu wakiwasili, Jamii ya kabaili, Wakafurahi kwa kweli, Furaha kubwa shadidi
341. Wote wakafurahika, Na roho zikasafika, Wakajua ni hakika, Atawasili Sayyidi
342. Hata kukicha yuani, Wakenda kwa Nuamani, Na waraka mkononi, Kapewa kaufaridi
343. Waraka kuusomake, Kafurahi roho yake, Na maneno atamke, Tahukumu sina budi
344. Namshukuru Rabana, Kuwasili Maulana, Tena adhabu hapana, Hana budi kutufidi
345. Akaketi Mselemu, Na watu kumkirimu, Kina wakimuheshimu, Heshima kubwa shadidi
346. Kasali msikitini, Na wote ajmaini, Asubuhi na jioni, Nahari na tasaridi
347. Ali akiwasalisha, Kwa magharibi na isha, Asubuhi huwamsha, Wakenda wakaabidi
348. Wote wakasali naye, Pasiwe akataaye, Akayakini rohoye, Dini watajitahidi
349. Na huyule Nuamani, Akahukumu mjini, Jamii ya khasimani, Kufunga na kujalidi
350. Sasa nyuma turudini, Niwakhubiri Huseni, Kuwatiakwe ndiani, Mselemu na abidi
351. Kimaa kutangulia, Na khati kuwandikia, Asinyamaze kulia, Kula mara akazidi
352. Akondoka hiyo hina, Kenda hata kwa Sakina, Na matozi kumpuna, Usoni yakajamidi
353. Akamwambia mwenzangu, Waliza nini ndu yangu, Huseni hwishi matungu, Daima zote abadi?
354. Huseni akatamka, Nimeletewa nyaraka, Alufu zenye kwandikwa, 'Lhaji hata 'Lkadi
355. Zote hazipurukusha, Ila hino ya kiisha, Ndio iliyonitisha, Kwa mambo yaloradidi
356. Wa Kofu wamenambia, Kesho mbele ya Jalia, Hawatakwenda ridhia, Watakwenda nijalidi



357. Wanitake haki zao, Hao wadhulumi wao, Au niwasili kwao, Hawondolee Yazidi
358. Na sasa tuwasafiri, Na tupandane bairi, Pasiwe tena usiri, Tutawakali Wadudi
359. Tupandeni twende zetu, Na wote watoto wetu, Waama haki za watu, Kesho zitaziadidi
360. Sakina akanatiki, Safari hiyo sitaki, Kwenda Kofu na Iraki, Wakwita kukuhusudi
361. Safari na ivundike, Wala usihadaike, Maneno yao sishike, Wale ni watu fisadi
362. Maneno yao kidhabu, Ndimi zao makilubu, Waweza wapi harubu, Asili yao Hunudi
363. Huseni akatamka, Safari haina shaka, Wala haitavundika, Kwenda zangu sina budi
364. Sakina akakalimu, Na kwamba umeazimu, Na tupishe Muharamu, Hata ingie Jamadi
365. Kwani Tumwa Muungamu, Alisema yako damu, Shahari 'l Muharamu, Ndipo itapomadidi
366. Nae Huseni anene, Sakina tusishindane, Kenda Huseni mwengine, Babu aliyeradidi
367. Na Sakina akakuli, Siku moja Jibrili, Alikuwa kwa Rasuli, Na mchanga msafidi
368. Alitukua mchanga, Mzuri uketa anga, Rasuli akiufunga, Kitambaani jadidi
369. Jibrili kabaini, Mtanga wake Huseni, Siku zote uwoleni, Hata ukitasawadi
370. Muuonapo na damu, Tambuani imetimu, Ajali yake ghulamu, Kautwaa Muhamadi
371. Kampa mama Fatuma, Akenda uweka vema, Ningoja tautazama, Sasa hivi tutarudi
372. Sakina akaondoka, Akenda akaushika, Wote umehamirika, Tena umetasawidi
373. Kaja nao hima hima, Akamwambia tazama, Huseni katakalama, Subhana ya Wadudi
374. Huseni akadhukuri, Sina budi tasafiri, Rabi alilokadiri, Siwezi litabaidi
375. Kuona kwake Sakina, Hana budi Maulana, Akondoka iyo hina, Na matozi yakabidi
376. Kenda kwa bunu Zuberi, Akamweleza khabari, Na kushitadi safari, Wala nyuma hairudi
377. Abdalla akondoka, Kwa upesi na haraka, Kwa Maulana kifika, Kalia akaradidi
378. Abdalla akanena, Huseni utatupona, Wala usipo maana, Ya kwenda zako Sayyidi
379. Keti usende Iraki, Wala usitaharaki, Kwamba ni huo muluki, Utakapo maujudi
380. Ulitakalo twambie, Upesi tukufanyie, Huseni amrudie, Tasafiri sina budi

381. Wala sitazuilika, Msijikuse mashaka, Hivino sasa natoka, Nawe Abdalla rudi
382. Abdalla katongoa, Kheri nami nitukuwa, Kula litakalokuwa, Niwepo nilishahidi
383. Kwamba hapano hutaki, Maka kuitamalaki, Shati wenende Iraki, Twenende sote Sayyidi
384. Kwani watuwe jahili, Wala haya si ya kweli, Wakitwa kwenda kudhili, Ndio yao makusudi
385. Tawatukua kaumu, Wana wa bani Hashimu, Wavundao jiwe gumu, Na wenginewe junudi
386. Nende na watu alufu, Wa rumuhi na suyufu, Nende haipande Kofu, Kwa jeuri na taadi
387. Nitukuwe panga kali, Nende mimi hakuwali, Na asemaye si kweli, Nimtoe uritadi
388. Hakusalimishe nti, Pasi kuwa harubati, Niwete makubarati, Na ahali 'l biladi
389. Niwausie maneno, Shekhe Huseni huyuno, Pasiwe na mnong'ono, Wala mwenye kutaadi
390. Nisikize asemaye, Nimuangushe rasiye, Hata nti ituliye, Nishike ndia nirudi
391. Huseni akamjibu, Hasanta ya muhibu, Ama siyo matulubu, Wala si wangu mradi
392. Tatawakali Muungu, Nende mimi peke yangu, Na hawa watoto wangu, Sitaki mtu wahidi
393. Abdalla akalia, Kina akiombolea, Khatima akarejea, Asiweze mkaidi
394. Basi akazipakia, Twika twika za ngamia, Na watu wake dhuria, Katawakali Wadudi
395. Katukua panga kali, Watu sitini rijali, Wasio kucha mahali, Wangiapo hawarudi
396. Na sabaati ashara, Watoto wa watu bora, Sabuini anfara, Na sabaati zaidi
397. Asikari ni sitini, Na watoto wa Hasani, Na wake yeye Huseni, Saba ashara idadi
398. Wali vijana pulika, Wa ithnaashara Maka, Ila panapo shabuka, Wapita hao asadi
399. Kwisha sayo pakhubiri, Huseni akasafiri, Madinati munawiri, Ndipo alipokasidi
400. Sikuhaba kawasili, Madinati ya Rasuli, Akanenda tasihili, Kwa nduguye Muhamadi
401. Akiwasili nyumbani, Nduguye yu kitandani, Yuna maradhi zamani, Hawezi yote jasadi
402. Kumuonakwe nduguye, Akashituka rohoye, Kamba Huseni ni weye, Wenda wapi niradidi
403. Mbona una atifali, Na wake na marijali, Kama wendaye mahali, Tena kuliko baidi
404. Huseni akatamka, Ni kweli hayo hakika, 'l Kofu napenda fika, Ndiyo yangu makusudi

405. Kamwambia moja moja, Na khati zilizokuja, Na jamii ya miuja, Asibakie wahidi
406. Na khati ya kwishilia, Na waliyomwandikia, Nduguye akasikia, Akanena Muhamadi
407. Akanena La Haula, Illa billahi taala, Ewe aba Abdalla, Safari ya Kofu rudi
408. 'IKofu waisa nini, Ewe 'lakhi Huseni, Au kuna haja gani, Ni upi huko mradi?
409. Wa Kofu wakuhadaa, Na wewe yakakutwaa, Huwajui kwamba baa, Tangu jadi na jududi
410. Khasa sisi nyumba yetu, Jamii mauti yetu, Kula atokaye kwetu, Akenda Kofu harudi
411. Wameua baba yako, Na Hasani ndugu yako, Na wewe wenenda huko, Ili kwenda jihusudi
412. Na kwamba wataka kwenda, Safari huwezi vunda, Ngoja Rabi akipenda, Nione vema jasadi
413. Twandamane mimi nawe, Kula mtu upangawe, Tungie Kofu tuawe, Kwa amri ya Wadudi
414. Twenendapo panga mbili, Za wana wa Shekhe Ali, 'IKofu twaikabili, Kuingia na kurudi
415. Ila kwenenda pekeyo, Haunipi wangu moyo, Akisha kusema hayo, Huseni akamrudi
416. Takwenda mimi natosha, Sihitaji mshawasha, Wala sitaki juyusha, Kwandamana na junudi
417. Muhamadi akalia, Kwa kuto amridhia, Abdalla kaawiya, Bun Abbasi Sayyidi
418. Kamuuliza Huseni, Mbona una kharisani, Na wewe waliza nini, Ya 'lakhi Muhamadi
419. Huseni akadhukuri, Yakhi napenda safari, Akamweleza khabari, Kama yaliyo kubidi
420. Kamweleza tangu mwanzo, Khati apelekewazo, Khabari alizo nazo, Abdalla kiadidi
421. Huseni akimaliza, Abdalla akiwaza, Tena akimkataza, Kina akimradidi
422. Kamwambia tawakafu, Sende Iraki na Kofu, Kwa mambo yao dhaifu, Waliyo nayo abadi
423. Wa Kofu ni wanafiki, Uongo hawakutaki, Wala walio Iraki, Hao ndio mahasidi
424. Kwamba umependa moyo, Kusafiri ndia hiyo, Ngoja apoe nduguyo, Mtukue na junudi
425. Nami ningiye ndiyani, Nitukue farisani, Kama watu alufeni, Watambua hadidi
426. Nende Kofu maridhiwa, Niingie na kuawa, Na ambae ajinuwa, Nimrudishe arudi
427. Nikakuweke Iraki, Hisha handame tariki, Nende zangu Dimishiki, Hamrakidhi Yazidi
428. Wendapo upanga wako, Na wangu ukawa huko, Thama nao ndugu yako, Upangawe Muhamadi

429. Zenendapo panga tatu, Tena hizi panga zetu, Tambua hakuna mtu, Awezaye tujalidi
430. Huseni akatamka, Abdalla pumzika, Hivino sasa natoka, Niombeani Wadudi
431. Sihitaji upangao, Wala huo usemao, Watosha nilio nao, Wa kula litalobidi
432. Akalia Abdalla, Bun Abbasi Fadhila, Na kusema La-Haula, Pamoja na Muhamadi
433. Na watu wote Madina, Jamii wakalizana, Kwa kwondoka Maulana, Yali msiba shadidi
434. Huseni asiridhike, Akenda kwa babu yake, Kenda zuru yeye peke, Khatimaye akarudi
435. Alipokwisha zuari, Kaitengeza safari, Katawakali Jabari, Kamwelekea Samadi
436. Hata bara akifika, Wakashuka malaika, Wana panga wameshika, Na silaha za jihadi
437. Wakamwambia Huseni, Tumeletwa ni Manani, Ili kwenda kuawini, Kwa kula litalobidi
438. Kwamba wataka twambie, Safari yako tungie, Hutaki turejee, Huseni akaradidi
439. Huseni akawambia, Ni kheri kurejeea, Na apendalo Jalia, Amriye hairudi
440. Malaka wote yakini, Wakarejea mbinguni, Akenda zake Huseni, Hata kafika baidi
441. Akawaona majini, Ambao ni waumini, Wote wamejizaini, Kwa silaha za hadidi
442. Amiri wao kwa mbele, Fijaadumu jinale, Kaja kasimama mbele, Usoni kwake Sayyidi
443. Yule jini akakuli, Ewe ibnu Batuli, Kwenda peke sikubali, Nami nenda sina budi
444. Taichukuwa kaumu, Wenye silaha za sumu, Nende haingie Rumu, Niwachawanye junudi
445. Tawatukua watoto, Wenye dharuba nzito, Na marumuhi ya moto, Na silaha kama radi
446. Nikae usoni kwako, Kwa kula adui yako, Nimuonyeshe vituko, Atakaye tamaridi
447. Huseni akakalimu, Marahaba Fijadumu, Sitaki hata kaumu, Rudi na watuo rudi
448. Natawakali Jalia, Sitaki mtu mmoya, Majini wakarejea, Na matozi yakabidi
449. Katawakali Jabari, Mle katika safari, Akawaona namiri, Na ukuba wa asadi
450. Kaona chui na simba, Na kucha kama vigumba, Usonikwe wamewamba, Jamii wakaradidi
451. Wote kauli walete, Maulana twende sote, Adui tukawakate, Tule nyama tufaidi
452. Wala usitukataze, Sayyidi tutangulize, 'l Kofu tukailaze, Jamii iwe baridi

453. Huseni akawambia, Nyote ni kurejeea, Siwezi kulizuia, Alipendalo Wadudi
454. Hata mbele akifika, Akawaona majoka, Mbele yamejitandika, Wanao sumu shadidi
455. Kaona wamesimama, Majoka kama milima, Wote wakatakalama, Wakamwambia Sayyidi
456. Sayyidi situkataze, Twataka tukawameze, 'l Kofu tusiisaze, Jamii tuisafidi
457. Tutangulie usoni, Tukawatie tumboni, Uje kule na amani, Hakuna tena hasidi
458. Huseni akawajibu, Siyo yangu matulubu, Natawakali Wahabu, Aliye pweke Wahidi
459. Kwisha sayo pakhubiri, Wakamjilia tiri, Mbao wamezinashiri, Sanguri na kanfadi
460. Madege yenye midomo, Wala yasiyo ukomo, Wakaja kwa kitetemo, Akanena hodi hodi
461. Hodi hodi atongoe, Sayyidi wetu ni wewe, Twataka tukawambue, Kufari na mayahudi
462. Twataka tutangulie, 'lKofu tukaingie, Hata ukifika weye, Wote wamesitajidi
463. Maulana kadhukuri, Endani zenu tairi, Sitaki jeshi kathiri, Wa kwenenda nisaidi
464. Huseni asikubali, Wote niliowakuli, Akataka tawakali, Katika yake fuadi
465. Wote asiwaridhie, Pia walosema nae, Kataka yeye pekee, Kutawakali Wadudi
466. Katawakali Rabana, Mwenye ezi Subhana, Kwa usiku na mchana, Kenda akajitahidi
467. Baada hayo kukoma, Ya dhuria wake Tumwa, Natamani rudi nyuma, Niwakhubiri Yazidi
468. Mambo yasichanganyike, Moja moja niliweke, Yazidi kusikiakwe, 'lKofu yanayobidi
469. Akasikia hakika, Wa Kofu wamekwandika, Barua za kwenda Maka, Kumwamkua Sayyidi
470. Khati wamemuarifufu, Idadi khati alufu, Wamtaka aje Kofu, Waje wampe biladi
471. Huseni hakuridhia, Na khati ya kwishilia, Yote waliyomwambia, Kesho mbele ya Wadudi
472. Na hivi sasa fahamu, Amekuja Mselemu, Kuwasalisha kaumu, Juu yake Masijidi
473. Na kadhi ni Nuamani, Ahukumuye mjini, Na Huseni yu ndiani, Na akali ya junudi
474. Nao wametangamana, Wa Kofu na Maulana, Na ukitaka pigana, Wao watamsaidi
475. Wakunyang'anye na ezi, Wakutwae wakuhizi, Usitambue makazi, Wala pa kwenda rajidi
476. Wakunyang'anye eziyo, Na jamii ya maliyo, Yazidi kupata hayo, Akili zikasharidi

477. Hayo akiyafasili, Zikamruka akili, Keta wino tasihili, Na lohi njema jadidi,
478. Waraka kaunasihi, Kwa khati njema malihi, Ya akhi Abidillahi, Sikia bun Ziadi
479. Khabari nimepulika, Kofu yanayotendeka, Huseni wamemtaka, Kwa shime na jitihadi
480. Wa Kofu na wa Iraki, Wamwita kutamalaki, Na mimi hawanitaki, Katika zao fuadi
481. Wametukiwa na miye, Watamani nangamiye, Ezi isinijuzie, Ni huo wao mradi
482. Na wote shauri moja, Huseni akisha kuja, Harubu hapana hoja, Na vita hapana budi
483. Na hivi sasa Huseni, Ametoka yu ndiani, Na kadhi ni Nuamani, Ndie kadhi maujudi
484. Na aliye tangulia, Ni Mselemu sikia, Naye wamemridhia, Kuwasalisha junudi
485. Aliyekuja fahamu, Jina lake Mselemu, Mwana wa bani Hashimu, Yumo katika biladi
486. Hayo nilipokwambia, Roho yakinishitua, Na kwamba nawe wajua, Basi u wangu hasidi
487. Kwamba unazo khabari, Hukuwa mtu wa kheri, Labuda mu mashauri, Wewe na hao junudi
488. Kwamba hunazo dalili, Basi enda tasihili, Ukifika kamdhili, Huyo mwenye masijidi
489. Kamuue Mselemu, Ajili mchache damu, Na rasi yake fahamu, Na ije huko baidi
490. Rasi yake niletea, Alla Alla nakwambia, Baada hayo sikia, Kwa Nuamani ubidi
491. Kamwambie Nuamani, Angie mwangu taani, Afanyapo ushindani, Ajili kumuhusudi
492. Umkate rasi yake, Utwae na mali yake, Na mjini uzunguke, Jamii wote junudi
493. Utenze anitakaye, Mali yake muwatie, Na mtu akataaye, Mkutuli asirudi
494. Umngoje na Huseni, Umtiye mautini, Na rasiye iyo hini, Ije na wake waladi
495. Huseni umuuapo, Rasiye na ije papo, Na jamii kilichopo, Wana na wake abidi
496. Ajili kuyafanyiza, Yote nilokuagiza, Nami najua waweza, Hayo na hayo zaidi
497. Najua yatafanyika, Pasipo kuharibika, Nisingali kukuweka, Hakupa na uSayyidi
498. Ni kukujua mamboyo, Waweza kufanya hayo, Na kadiri nitakayo, Wanikidhia mradi
499. Waraka kaukhitimu, Kaufunga marikumu, Kamsalimu hadimu, Kwenda kwa bun Ziadi
500. Akenda hima mtumwa, Pasi kuwa kasimama, Siku haba zikikoma, Kafika kwa jitihadi

501. Kuwasilikwe asahi, Akatoa mansahi, Kampa Abidillahi, Usoni kausujudi
502. Akisha kusujudia, Khati akiangalia, Yaliyokwandikwa pia, Jamii kayaadidi
503. Alipokwisha yaona, Maneno ya wake bwana, Akafurahika sana, Furaha kubwa shadidi
504. Akajua ni hakika, Yazidi ameniweka, Nitakalo lafanyika, Kwa pendo lake Yazidi
505. Baada sayo fahamu, Akaagiza kalamu, Na lohi njema ya Shamu, Khati akaimadidi
506. Ila bunu Muawia, Maneno ulonambia, Na mimi nalisikia, Na watu mtasharidi
507. Haona ni upumbavu, Nisiyashike kwa nguvu, Na kwamba sasa mapevu, Takwenenda sina budi
508. Bwana takutumikia, Kama uliyonambia, Jamii yatatimia, Uyatakayo Sayyidi
- Tuliza nafusi yako, Sasa hivi nenda kuko, Najua ezi ni yako, Tangu jadi na jududi
510. Twajua bwana u wewe, Wala hako mwenginewe, Na asemaye welewe, Yuataka jihusudi
511. Rasi mbili utakazo, Naona kama matezo, Na jamii maagizo, Hata moja halirudi
512. Baada ya kuyandika, Kampa tume waraka, Akenda hima haraka, Kama kuvuma baridi
513. Kwa Yazidi kiwasili, Khati akaifasili, Akafurahi kwa kweli, Na mahaba akazidi
514. Baada sayo asahi, Kondoka Abidillahi, Akazipiga siyahi, Kawakusanya junudi
515. Akamba Ya maishara, Mlo mji wa Basara, Ajilini mwa hadhara, Mje tuole taadi
516. Wakakutana sufufu, Sitaashara alufu, Ambao ni mausufu, Watambua hadidi
517. Wakafika wakasema, Ni wapi penye nakama, Aula penye kilema?, Tukirudishe kirudi
518. Naye akawaarifu, Naweta twende 'IKofu, Ndiko kwenye hitilafu, Wamuasio Yazidi
519. Wakayandama darubu, Kama rihi ya shabubu, Hali ya kutaghadhabu, Na roho kutasawidi
520. 'IKofu wakikaribu, Abidallahi kajibu, Akawambia sahibu, Taka nifanye mradi
521. Ngojani nitangulie, Wa Kofu niwangilie, Kwamba wanipenda mie, Tawaona sina budi
522. Akazifanya hadaa, Nguo nyeupe kavaa, Na ngamia kamtwaa, Na bakora msafidi
523. Kaiwata kaumuye, Akenda yeye pekee, Wa Kofu kumuonaye, Wakadhani ni Sayyidi
524. Wa Kofu na wa Iraki, Wakenda wakamlaki, Na furaha kusabiki, Katika zao fuadi

525. Jamii watu mjini, Wakadhani ni Huseni, Wakangia furahani, Iliyo kubwa shadidi
526. Pasiwe mtu kukaa, Wakatoka kwa fazaa, Kusudi kwenda mtwaa, Waje wampe biladi
527. Kufika wakamuona, Abidallahi laana, Kwa jamii wakanena, Hima upesi nirudi
528. Kumbe ni Abidallahi, Amekwisha tufedhehi, Roho zao zikatwahi, Kwa mara hiyo wahidi
529. Wakambiana ajabu, Mambo tumeyaharibu, Hatukwenda taratibu, Ndipo saya yakabidi
530. Abidallahi kangia, Na watuwe wote pia, Usiku kujilalia, Na wote wake junudi
531. Kulipokucha yuani, Kaamuru maluuni, Kulia mbiu mjini, Wakutane masijidi
532. Basi mbiu ikalia, Mwatakwa jote jamia, Basi jeshi ikangia, Waungwana na abidi
533. Wakenda msikitini, Ma Shekhe na Madiwani, Na wakubwa wa mjini, Na jamii ya muridi
534. Kimaa kukutanika, Abidallahi katoka, Msikitini kifika, Mimbarini akanadi
535. Kwa kweleza mimbari, Kanadi akidhukuri, Ya Maishara jifiri, Sikizani niradidi
536. Tumesikia yakini, Kwamba wenu Sultani, Mmemkiri Huseni, Hamumtaki Yazidi
537. Basi semani sadiki, Wa Kofu na wa Iraki, Yazidi hamumtaki, Kweli mmemtaridi?
538. Kimaa kuwauliza, Jamii wakanyamaza, Na tena likawataza, Neno watakalorudi
539. Jamii wakasakiti, Pasi mtoa sauti, Tena akatoa khati, Itokayo kwa Yazidi
540. Akausoma waraka, Jamii wakapulika, Yote yaliyo kwandika, Wakasikia junudi
541. Tena sapo akakuli, Nambiani tasihili, Maneno haya ni kweli, Nambieni maujudi?
542. Kimya wakanyamazana, Pasiwe mwenye kunena, Abidallahi laana, Kuwambia akazidi
543. Akawambia wa Kofu, Ili kuwatia khofu, Yazidi kaniarifu, Nije kwenu makusudi



## UTENZI WA IMAM HUSEN

### UTENZI WA KISA CHA SAYYIDNA HUSSEIN

544. Nimtazame ambaye, Huseni ampendaye, Nimuangushe rasiye, Na wote wake waladi

545. Na jamii mali yake, Niyatwae niyateke, Dimishiki nipeleke, Ni huo yangu mradi

546. Basi semani upesi, Nijue yenu jinsi, Wote wakenika rasi, Wa khofu nyingi fuadi

547. Jamii wakiolana, Khatimaye wakanena, Aliye bwana ni bwana, Huseni au Yazidi

548. Kwa kula atawalaye, Tutafuata eziye, Hatuna tukataaye, Ali yoyote Sayyidi

549. Kusikiakwe adui, Akaruka kama chui, Kawambia hamjui, Kwamba nyinyi mu abidi

550. Na Yazidi bwana wenu, Aliyemiliki kwenu, Ni haba akili zenu, Ujinga unawazidi

551. Kwamba mmemridhia, Zidi bunu Muawia, Afadhali kutulia, Make mtabaradi

552. Ambaye hakumtaka, Yuwatafuta hilaka, Mimbarini akishuka, Hayo akisha radidi

553. Kitoka msikitini, Akenda kwa Nuamani, Akampa anuwani, Itokayo kwa Yazidi

554. Alipokwisha ijua, Nuamani kamkua, Sisi hatuna uluwa, Wala hatu maSayyidi

555. Ila sisi tu raia, Twawapenda wote pia, Wala hatutakimbia, Kwa amri ya Wadudi

556. Kusikiakwe makali, Abidallahi jahili, Akamnyang'anya mali, Mangi yasiyo idadi

557. Beti asimbakiye, Ila ni yeye rohoye, Sababu asimwambie, Nimpendaye Yazidi

558. Kashukuru Nuamani, Na kuhimidi Manani, Baada sayo yuani, Abidallahi karudi

559. Kenda nyumba ya hukumu, Akawatoa kaumu, Katafuta Mselemu, Katika yote biladi

560. Na Mselemu sikia, Kipindi kilipongia, Ajili kukimbilia, Beti 'l masjidi

561. Akenda akaadhini, Kakaa msikitini, Wote walio mjini, Asimuone wahidi

562. Kasali yeye pekee, Hapo amfuataye, Kataajabu rohoye, Ajabu kubwa shadidi

563. Kwisha kusali yuani, Katoka msikitini, Kamuona ghulimani, Karibu amekaidi

573. Allahumma niauni, Unitie nusurani, Na jeshi ya maluuni, Bi shufaa Muhamadi

564. Mselemu akanena, Nambia ewe kijana, Leo mji nauona, Jamii wote baridi

565. Watu wametaharaki, Gharibi na mashariki, Kusali hawakutaki, Kijana akaradidi
566. Kijana akakalimu, Wailaka Mselemu, Huoni hawa kaumu, Walivyo kujizadidi
567. Jamii wamekuhuni, Hawakutaki mjini, Wala nduguyo Huseni, Hawapendi mshahidi
568. Akamwambia asahi, Mambo ya Abidallahi, Na roho zao kutahi, Na warakawe Yazidi
569. Na wewe wakutafuta, Na pindi wakikukuta, Kitwa chako kitakatwa, Kuuwawa huna budi
570. Ukae ukitambua, Huna budi kuuwawa, Mselemu kamkuwa, Subhana ya Wadudi
571. Akitazama yamini, Asimuone auni, Akiola shimalini, Asione msaadi
572. La haula akasema, Illa billahi Karima, Kamkua Allahumma, Ya Allahu ya Samadi
574. Mara ile kenda zake, Katwaa upanga wake, Ilihamu roho yake, Na matozi yakabidi
575. Silaha kajizaini, Roho haina makini, Akatembea mjini, Makusudi kusharidi
576. Azima ni kukimbia, Hanapo pa kuawia, Mumule katika nyia, Pana nyumba msafidi
577. Na nyumba hiyo yuani, Mwenyewe akitwa Khani, Ali mzee zamani, Wa tangu jadi na jadi
578. Lakini ni Islamu, Yu dini ya Muungamu, Na wote bani Hashimu, Kiwapenda jitihadi
579. Akiwapenda sikia, Dhuria wake Nabia, Na wote 'l Hashimia, Pendo lisilo idadi
580. Kenda kwake Mselemu, Mlangoni akakumu, Kamuuliza khadimu, Yu wapi wako Sayyidi
581. Na kwamba yu humo ndani, Mwambie pana mgeni, Kenda hima ghulumani, Khani akamradidi
582. Mzee Khani kajibu, Na'pite hima gharibu, Akapita Muarabu, Mlango kaukaidi
583. Wakenda wakaonana, Khabari wakauzana, Mselemu akanena, Kama yaliyombidi
584. Khabari akamweleza, Tokea mwanzo wa kwanza, Na jamii miujiza, Hata ya bunu Ziadi
585. Na hivi sasa rijali, Wa kati kunidalili, Wapate kunikutuli, Kwetu Maka nisirudi
586. Kisha sayo kutamka, Khani akaghadhabika, Kwa hayo yalofanyika, Ghadhabu kubwa shadidi
587. Kanena mzee Khani, Na kwamba yali zamani, Sasa ningejizaini, Henda hawa na jihadi
588. Kama banii Hashimu, Huwaje kuwalaumu, Ukataka wadhulumu, Huo ndio wa hasidi
589. Lakini sasa pulika, Hapa umesitirika, Kwa amri ya Rabuka, Watakwishwa usitadi

590. Na huyo akutakaye, Rafiki yake ni miye, Labuda asisikiye, Kwamba siwezi jasadu
591. Lakini asikiapo, Hana budi kuja papo, Na pindi hapa ajapo, Kumuuu huna budi
592. Ajapo akiwasili, Taja kuweka mahali, Na upangao mkali, Ungoje akikaidi
593. Taja muwekea kiti, Hata akisha keleti, Umuonyeshe mauti, Ahimari na suwedi
594. Akisha kusema hayo, Mselemu kamba ndiyo, Akafurahika moyo, Kwa Khani aloradidi
595. Abidallahi hakika, Siku mbili zikifika, Roho akatia shaka, Khani hajamshahidi
596. Kauliza barazani, Yu wapi mzee Khani?, Kambiwa yuko nyumbani, Ana maradhi shadidi
597. Mara kondoka kitini, Kusudi kwenda kwa Khani, Akipata mlangoni, Kamba wenye nyumba hodi
598. Kisikia sautiye, Wakajua kwamba ndiye, Tena Khani amwambie, Mselemu jizadidi
599. Shika sefu na turusi, Ukae pia nafasi, Hata akisha jilisi, Sikawe kumhusudi,
600. Mselemu kajifita, Paziani akapita, Na sefu kaitafuta, Isiyo shaka na budi
601. Akiweka na siriri, Akitengeza vizuri, Tena kapewa amri, Kupita bun Ziadi
602. Basi akapita ndani, Akaonana na Khani, Mselemu faraghani, Seifi kaikalidi
603. Tena kampa maungo, Khani akamba Muungu, Leo atakata shingo, Ipukane na jasadu
604. Kaka muda mzima, Khani akaona kimya, Kafazaika mtima, Mbona kimya kinazidi?
605. Basi akatoa fumbo, Kama aimbae wimbo, Akamba mambo si mambo, Si ya jadi na jududi
606. Hino ndiyo kazi yenu, Mliyozoea kwenu, Si kazi yao sununu, Katika zote abadi
607. Kutuka akamuonya, Ni kazi yenu mwafanya, Wala sikukudanganya, Niliyokupa ahadi
608. Nakwambia mara zote, Simama ukiokote, Na lijirilo tu sote, Kwa amri ya Wadudi
609. Khani akisha yasoza, Fumbo la kumuhimiza, Mselemu kanyamaza, Hata saa ikabidi
610. Kasema mara ya pili, Mselemu katwawili, Abidallahi kakuli, Naona mwaradidi
611. Unani mzee Khani, Kwondoa taji kitwani, Ukabanja kitandani, Khatima ukalirudi?
612. Mara wavua kilemba, Na mara nyimbo ukimba, Unani katika nyumba, Jambo lililokuzidi?
613. Mzee Khani kakuli, Ni jua liwapo kali, Hunipungua akili, Na ndwele ikashitadi

614. Ndipo hivi hafanyiza, Fiili na miujiza, Ni ndwele imenikaza, Na akili msharidi
615. Abidallahi kasema, Kwa kheri narudi nyuma, Nijile kukutazama, Khani akenda muwadi
616. Aliporudi nyumbani, Kasema mzee Khani, Mselemu jinsi gani, Usitimize ahadi?
617. Mselemu akakuli, Sefu yali masiluli, Hataka kumkutuli, Hazuiwa yangu yadi
618. Hitaka mwandika sefu, Nimpasue nusufu, Nikasikia khatifu, Na mnada ukanadi
619. Mnada ukatongoa, Usende ukamuua, Na muili hazuiwa, Kujondoa sijimudi
620. Ndipo saya yakajiri, Na zohali na usiri, Na Khani akadhukuri, Kheri ni yake Wadudi
621. Baada sayo asahi, Kondoka Abidallahi, Akili katanabahi, Kuzichawanya nakidi
622. Roho yake kaazimu, Azitoe darahimu, Atafute Mselemu, Kwa akili na juhudi
623. Kamwamkua rijali, Jina lake Muakali, Ubazazi na khitali, Apita wote junudi
624. Dinari kazihesabu, Alufu tatu dhahabu, Na maneno kamjibu, Shime yakhe jitahidi
625. Mtafute Mselemu, Kwa akili na fahamu, Ukampe darahimu, Ukisha mpa urudi
626. Ujue nyumba aliyo, Kwa rai na akiliyo, Muakali kamba ndiyo, Inshallah tajitahidi
627. Akondoka Muakali, Akayatukua mali, Akenda akadalili, Katokea masijidi
628. Akaona msikiti, Kaingia akaketi, Ilipofika salati, Akaja mtu wahidi
629. Jina kitwa Mselemu, Bun Ghaushi fahamu, Kaja kampa salamu, Na heshima kamzidi
630. Kamwambia ndugu yangu, Takupa faragha yangu, Maana humu si mwangu, Mimi natoka baidi
631. Mimi ni mtu wa Maka, Huseni kanipeleka, Nitukuzie waraka, Na mali yaso idadi
632. Nijile na darahimu, Kuja mpa Mselemu, Na alipo sifahamu, Nimekwisha usitadi
633. Na kuuliza siwezi, Mji unavyo makonzi, Na mimi ni mwanagenzi, Sijui mtu wahidi
634. Na wewe kukubaini, Ni kwamba natumaini, Yakhi fanyiza hisani, Na haiba nisirudi
635. Twende ukanipeleke, Hampe amana yake, Hima upesi nitoke, Humu siwezi rajidi
636. Kanionyeshe upesi, Hapo alipojilisi, Roho ina wasiwasi, Mselemu karadidi
637. Kanena bunu Ghausha, Takwenenda kuonyesha, Lakini niaminisha, Kwa mithaki na ahadi

638. Muakali kabaini, Nakuapia yamini, Nami ni msikitini, Ni katika masijidi
639. Kisha apa sura mia, Mara iyo kamwambia, Nyumba alokimbilia, Ya banii 'l Asadi
640. Mselemu yu nyumbani, Huko kwa mzee Khani, Muakali kibaini, Kenda hima na juhudi
641. Alipofika nyumbani, Kabisha kangia ndani, Akamwambia yakini, Nijile nina zawadi
642. Kamtaka Mselemu, Kwa wema na tabasamu, Akampa darahimu, Akisha kamradidi
643. Akamwambia Huseni, Ametoka yu ndiani, Atakuja kuawini, Kama yaliyo kubidi
644. Amenipa diinari, Utakako ushitiri, Kula kipasacho shari, Chombo kilicho jadidi
645. Nami hivi nenda zangu, Nina khofu roho yangu, Nakuhongea mwenzangu, Nawe kujificha zidi
646. Kaamini Mselemu, Kapokea darahimu, Akampa na salamu, Nisalimia Sayyidi
647. Muakali akatoka, Kwa upesi na haraka, Barazani akifika, Kwake ibnu Ziadi
648. Muakali akanena, Kamwambia wake bwana, Umekwisha patikana, Uliotaka mradi
649. Khani bin Ghuruata, Ndiye aliyemfita, Hivi tukimtafuta, Anaye zote abadi
650. Kwambiwa kwake juhali, Kawamkua rijali, Majina yao nakuli, Wa kwanza ni Muhamadi
651. Wa pili etwa asema, Na Omari kawatuma, Akamba nendani hima, Khani mukamkaidi
652. Wakenda na furisani, Wakenda mtwaa Khani, Akifika barazani, Salamu akaradidi
653. Jamii wakanyamaza, Kwa hali ya kutukiza, Abidallahi kauza, Kwani Khani kutaadi?
654. Wamficha Mselemu, Nasi ni wetu khasimu, Wewe u mwenda wazimu, Akili umesharidi
655. Naye Khani atongoe, Mwenda wazimu u wewe, Utakae umuuwe, Bin ami Muhamadi
656. U wewe mwenda wazimu, Utakaye Mselemu, Nikupe umdhulumu, Upate kumhusudi
657. Mara akaghadhibika, Abidallahi karuka, Bakora akaishika, Kitaka kumjalidi
658. Khani alipomshufu, Akaikabili sefu, Kamwegema asikhofu, Kama umeme na radi
659. Dharuba kamsukuma, Akazikata kwa nyuma, Kofia mbili za chuma, Na dirii za hadidi
660. Abidallahi kanguka, Kwa kiwewe kumshika, Roho ikafazaika, Akawambia junudi
661. Kawambia tasihili, Mshikeni mumdhili, Asijesha wakutuli, Khani akaiadidi

662. Akaishika hasama, Jeshini akajitoma, Mithili wimbi la joma, Livumalo na baridi
663. Kawangusha iyo hini, Khamsa wa ishirini, Bi tarafati aini, Kaumu wakamzidi
664. Wakampiga asira, Akafungwa kwa kambara, Na kumpiga bakora, Na dharuba za hadidi
665. Kashahadia Karimu, Kafa ali Islamu, Fi'l janati naimu, Akenda akarajidi,
666. Khabari zilipofika, Nyumani kwake hakika, Mselemu akatoka, Na jitimai shadidi
667. Katoka na jitimai, Hana hila wala rai, Ali katika sarai, Kaona nyumba baidi
668. Nyumba hiyo nitamke, Kamwona mwanamke, Kamuuza hali yake, Yote akamradidi
669. Kasikia nisiwani, Akamba pita nyumbani, Kwani adui mjini, Wa kati kukuadidi
670. Akapita Mselemu, Harume kamuheshimu, Ali na wake ghulamu, Yeye mmoja waladi
671. Kumuonakwe mamaye, Ana fazaa rohoye, Akamuza haliye, Mama umetasawidi
672. Ni kungia ukatoka, Kitu gani umeweka, Mamaye akatamka, Sikia ewe waladi
673. Nyumbani mna ghulamu, Jina lake Mselemu, Min bani Hashimu, Bin amu Muhamadi
674. Na mimi nimemsiri, Ahadi ni kusafiri, Kijana akadhukuri, Mama kumficha zidi
675. Mara ile akatoka, Barazani akafika, Watu wamekutanika, Kamwita bun Ziadi
676. Yule kijana kasema, Mselemu yu kwa mama, Wapeleke watu hima, Mimi nimemshahidi
677. Kwa mama ndiko aliko, Na mimi natoka huko, Adui keta kacheko, Na kufurahi shadidi
678. Mara ile kasimama, Akawataka kauma, Akamba nendani hima, Na amiri Muhamadi
679. Bun Shiati amiri, Akampa asikari, Khamsamia jifiri, Walio kama asadi
680. Kamwambia tangulia, Mselemu niletea, Basi akashika ndia, Kandamana na junudi
681. Mselemu pakhubiri, Kasikia hawafiri, Na kishindo cha bairi, Kajua ndio hasidi
682. Kamwambia nisiwani, Kanipe maji kuzini, Nisali rakaateni, Nipate omba Wadudi
683. Kasali rakaateni, Akamuomba Manani, Baada sayo yuani, Kamrakibu jawadi
684. Akampanda farasi, Na upanga na turusi, Akamuomba Kudusi, Kawakabili junudi
685. Mbele yao kasimama, Kawauza akasema, Ajili semani hima, Nijue wenu mradi

686. Lililowaleta nini, Msikawe nambiani, Na ambalo mwatamani, Mutafutalo kusudi
687. Mara walipomshufu, Wakamwegema kwa sefu, Wapate kumtilifu, Afungwe kama abidi
688. Kajitia katikati, Akawonesa mauti, Watu khamsamiati, Watu kumi wakarudi
689. Kawapiga kama huwa, Kukata na kuangua, Kama radi ilotia, Shajaria 'l jadidi
690. Akawatawanya damu, Ikenenda milizamu, Wakarejea kaumu, Hata kwa bun Ziadi
691. Wakenda wakimwambia, Kama yaliyo jiria, Sote hatukubakia, Tumbadia suudi
692. Kusikiakwe yuani, Kawatoa shujaani, Idadiye alufeni, Wasioweza taadi
693. Akawambia nendeni, Mselemu mleteni, Msishindwe ni mgeni, Aliyetoka baidi
694. Endani mkamtwae, Upesi muniletee, Tupate hiyo rasiye, Apelekewe Yazidi
695. Wakenenda asikari, Kama rihi na matari, Na kula mtu tayari, Kwa silaha za hadidi
696. Walipomkaribia, Mselemu kawangia, Jeshini kajipakia, Na farasiwe najidi
697. Akamrusha kimatu, Akaja ndani ya watu, Isipate saa tatu, Wote akawasafidi
698. Akaishika hasamu, Mwana wa bani Hashimu, Akawatawanya damu, Nchi yote ikabidi
699. Akinga simba dharia, Damu ikenda milia, Na watu wakangamia, Wangi wasio idadi
700. Yamini kajipeleka, Wanguka kama mataka, Hata akizungumka, Kupigana akazidi
701. Kawatia mautini, Wote watu alufeni, Wakabaki thelathini, Wasihimili hadidi
702. Wakenda kwa bwana wao, Wakampa hali yao, Wakamba siku ya leo, Adui katuhusudi
703. Tulipowasili kando, Katungia kama nondo, Akitutenda kitendo, Hatuwezi kuradidi
704. Katungia kwa upanga, Jeshi yote kaizinga, Pasi muweza kuinga, Wala mkaa baidi
705. Bwana fanyiza shauri, Adui katuhasiri, Kwambiya siyo khabari, Kawakusanya junudi
706. Kawakusanya sufufu, Ambao ni mausufu, Ithnashara alufu, Akaja kawaradidi
707. Akawambia kaumu, Endani kwa Mselemu, Na mrudipo haramu, Mauti yatawabidi
708. Ambapo mwarejeea, Msipo kuniletea, Tawataka vitwa pia, Hayo nimewaahidi
709. Basi ikenenda jeshi, Kama dharuba ya tushi, Na kutaharaki nchi, Kwa hafiri za jawadi

710. Wakamfika alipo, Wakenda muona yupo, Mselemu iwenepo, Ghadhabu akashitadi
711. Upanga kaulungusha, Farasi akamwegesha, Ukinga mwamba kuusha, Na wingu kubwa na radi
712. Muili ukanafiri, Kwa ghadhabu kukithiri, Kiruka kama namiri, Ghadhabu kinga asadi
713. Dharuba akizitoa, Kama umeme na kuwa, Na kipovu kumuawa, Likachemka zubadi
714. Alikikabili mbele, Kusibakie kisele, Akileneza fumole, Watu hamadi hamadi
715. Muili ukamvimba, Kimatu akinga simba, Mara moja kawaramba, Watu mia wakarudi
716. Barazani wakifika, Mtangani wakanguka, Maneno wakitamka, Sikia bun Ziadi
717. Leo tuwene harubu, Iliyo kubwa ajabu, Vita vyake Muarabu, Ataitwaa biladi
718. 'l Kofu itatwaliwa, Ukae ukitambua, Na wewe utauwawa, Ni huyo mtu wahidi
719. Harubu apiganavyo, Hatuwene kama hivyo, Jamii vita twandavyo, Hatuwenepo abadi
720. Muarifu mwenye nchi, Atudirikiye jeshi, Ila sisi hatutoshi, Kupata huo mradi
721. Fisa khati Dimishiki, Watuletee khaliki, Na Basara na Iraki, Na wakutane junudi
722. Na ufanyapo dhihaka, Usipeleke waraka, Tambua unamtoka, Uluwa wake Yazidi
723. Kwambiwa hayo asahi, Keta wino na lauhi, Kandika Abidallahi, Sikia ewe Sayyidi
724. Akaikutubu khati, Ya Yazidi mwenye nti, Tu katika harubati, Na vita vimetuzidi
725. Vita vyake Mselemu, Vyapita jabali gumu, Turidikie kaumu, Hima wapate tufidi
726. Wote watu maarufu, Katika nti ya Kofu, Jamii wametilifu, Watambua hadidi
727. Mselemu atashinda, Na nti ataivunda, Atakalo atatenda, Ni hayo nakuradidi
728. Ulipokwenda waraka, Kwa Yazidi ukafika, Maneno akipulika, Uso ukamsawidi
729. Kanena akitukana, Watu wa Kofu naona, Hawawezi kupigana, Tokea jadi na jadi
730. Huwaje mtu mmoja, Akajirisha vioja, Tena wakatoa hoja, Kwamba avunja biladi
731. Tapeleka farisani, Kama simba ghadhibani, Mselemu na Huseni, Wakawatoe taadi
732. Kawakusanya sufufu, Watu sitini alufu, Ambao ni mausufu, Wasio shaka na budi
733. Kawambia enendani, Mkifika washikeni, Mselemu na Huseni, Upesi hima murudi



734. Basi jeshi ikatoka, Wakapanda wakishuka, Siku haba zikafika, 'l Kofu wakaibidi
735. 'l Kofu wakiwasili, Jamii wote rijali, Wakafurahi kwa kweli, Kwa kuwasili junudi
736. Wakelezana khabari, Za awali na akheri, Na kama yaliyojiri, Wasibakie wahid
737. Hata kukipambazuka, Basi jeshi ikatoka, Kusudi kwenda mshika, Bun amu Muhamadi
738. Alipokwisha waona, Mselemu kakazana, Meno akajitafuna, Mfano kama asadi
739. Kuionakwe shabuka, Mshipa ukamwinuka, Na tauka na tauka, Na kukazana jasadi
740. Jasadi ikahariki, Akinuka na uruki, Wote wakataharuki, Wasiweze mjalidi
741. Kizinga kama umeme, Kushotoni na kulume, Wali papo wasimeme, Na khofu kubwa shadidi
742. Akaipiga siahi, Ikavuma kama rihi, Zikawapuna silahi, Zilizo katika yadi
743. Akamzinga rikabu, Alisimika dhanubu, Na jamii ya ghadhabu, Siku hiyo akazidi
744. Uso ukaghadhibika, Mato yakahamirika, Na kipovu kumtoka, Yeye na wake jawadi
745. Akajitia jeshini, Akawachenga laini, Ali akenda usoni, Na kinyume akarudi
746. Akanenda kwa shimali, Akawachenga rijali, Kija upande wa pili, Ikiwa hivyo abadi
747. Mselemu kiwangua, Kama matone ya mvua, Pasi muweza jinua, Wala enuaye yadi
748. Na ambaye akabili, Mara huwa mbali mbali, Kushotoni na kuvuli, Wote wakatabaadi
749. Wakatamani kimbia, Hapana pa kuawia, Hali ya kuwazuia, Pasiwe muweza rudi
750. Mselemu akawesha, Kuwaua kiwangusha, Wote akawababusha, Wakawa kama rimadi
751. Siku hiyo maarufu, Arubaini alufu, Aliyo kuwatilifu, Wasazao wakarudi
752. Jamii wakakubali, Kuvushwa nchi ni kweli, Wala hataki wa pili, Kutunyang'anya biladi
753. Mashauri wakanena, Na tutoeni vijana, Twende nao mbali sana, Tukawafiche baidi
754. Hana budi Mselemu, Ataimiliki Rumu, Awaue na kaumu, Ashike ndia arudi
755. Wakawatoa kabili, Wana na wao wavyele, Na walio na uwele, Vipofu na makaidi
756. Wakawatoa viwete, Na wenye madonda wote, Mmoja wasimuate, Ila walio jadidi
757. Wakenenda ughaibu, Hata ipite harubu, Baada sayo najibu, Wakakutana junudi

758. Wakakutana kaumu, Thamaanini timamu, Alufu zilizotimu, Isipungue wahidi
759. Basi shauri waseme, Twendeni tukamwegeme, Mmoja asisimame, Ataghumiwa jawadi
760. Farasi akighumiwa, Mara moja atajiwa, Basi sapo wakaawa, Wote wakajizadidi
761. Hata walipomfika, Jeshini kajichomeka, Kupita zote shabuka, Wote wakamsharidi
762. Kawachawanya khumra, Ikenea zote bara, Na mafisi waking'ara, Kwa hali ya kufaidi
763. Akawatenda kitendo, Kuwachawanya uvundo, Kiwopoa kama nondo, Amezaye 'lkurudi
764. Farasiwe apitapo, Hapabaki aliyepo, Kama wingu na upepo, Na dharuba na baridi
765. Akiwangamiza watu, Idadiye wanakwetu, Alufu kumi na tatu, Waliokufa junudi
766. Wote waliobakia, Jamii wakakimbia, Mselemu kawendea, Na sefuye ya hadidi
767. Kiwapiga kwa hasamu, Akawachanganya damu, Wakawa kama ghanamu, Walio katika nadi
768. Kapiga kiwangamiza, Kuno akiwafukuza, Wote wakijelemeza, Masaharati na wadi
769. Wakenda mtashatiti, Kwa kuyakhofu mauti, Wakaikimbia nti, Wote ahali biladi
770. Mselemu akazinga, Akampita kipanga, Mji wote akatanga, Asimuone wahidi
771. Akaizuia Kofu, Thuluthani na nusufu, Na majumba maarufu, Yakawa katika yadi
772. Nusu ya mji baadhi, Yote kaitakabidhi, Pasiwe mtaaradhi, Wala mwenye kutaadi
773. Katamalaki majumba, Mazuri yaliyopambwa, Mwana wa simba na simba, Ni kazi yao abadi
774. Na jamii ya rijali, Kukionakwe kitali, Wakakutanika mbali, Wasiweze biladi
775. Jamii wakakimbia, Mji wakamuatia, Walipokwisha tulia, Shauri wakafanidi
776. Shauri wakelekeza, Jawabu la kufanyiza, 'IKofu tukakweleza, tukamwondoa hasidi
777. Pana mmoja kanena, Hapana shauri tena, Mji unasha tupona, Na kufa hatuna budi
778. Hawa ni asili yao, Kuwana ni kazi yao, Na ushujaa wa kwao, Jadi zao na jududi
779. Ndio simba wa Mungu, Wanywesa watu matungu, Na katika ulimwengu, Hako aliyewazidi
780. Na roho yangu hiwaza, Yule hatutamuweza, Shauri la kufanyiza, Hapana ila wahidi
781. Na tutimbeni handaki, Ajapo akisabiki, Tufanye kutaharuki, Kinyumenyume turudi

782. Atangia handakini, Tumtie mikononi, Jamii wakayakini, Shauri linalobidi

783. Wakaichimba rijali, Yali usiku laili, Na shimo likenda mbali, Tena wakalisafidi

784. Juu wakalifinika, Farasi akija ruka, Hana budi kuanguka, Kumshika hana budi

785. Kulipokucha sikiza, Wakaitaka baraza, Mselemu katokeza, Mtamboni akanadi

786. Alipokuwatokea, Jamii wakakimbia, Mbele akiwandamia, Na sefuye ya hadidi

787. Kupata punde usoni, Farasi kanguka tini, Akangia handakini, Akaumia jawadi

788. Farasi akavundika, Na Mselemu kanguka, Wakaja wakamshika, Jamii wote junudi

789. Wakakutana asahi, Wakazipiga siahi, Na roho zilifurahi, Furaha kubwa shadidi

## UTENZI WA IMAM HUSEN

### UTENZI WA KISA CHA SAYYIDNA HUSSEIN

790. Wakamfunga kwa kweli, Mikono yote miwili, Wasimbaki pahali, Wasipo kumkaidi
791. Mselemu kamkuwa, La haula wala kuwa, Aladi qalu Molewa, Kujiri halina budi
792. Wakenda naye hakika, Wote walifurahika, Barazani wakifika, Mbele ya bun Ziadi
793. Wakamuweka usoni, Mbele yake maluuni, Abidallahi yuani, Maneno akaradidi
794. Kamwambia Mselemu, Enyi banii Hashimu, Mtakao jidhulumu, Mwatezea maSayyidi
795. Hivi kwenu mkitoka, Kuja Kofu na shabuka, Makusudi kumpoka, Ulua wake Yazidi
796. Mpate usultani, Wewe na huyo Huseni, Mukaishi duniani, Muwe watu maadudi
797. Mtamalaki Iraki, Na Kofu na Dimishiki, Na Yazidi mumdhiki, Ndiyo yenu makusudi
798. Mjile taka matata, Na vitwa vyenu kukatwa, Hayo hamtayapata, Hata mkajitahidi
799. Mselemu kabaini, Wayy-laka maluuni, Wadharauje Huseni, Ukamsifu Yazidi
800. Sakiti ulimi wako, Kwamba si hadaa zako, Ningekuonya vituko, Vikubwa visivyo budi
801. Na kwamba si kunitenga, Nti ningalizipinga, Haziwata nyonganyonga, Hamngojea Sayyidi
802. Hata akija Huseni, Akaikuta amani, Na ambaye mshindani, Akija hamhusudi
803. Mtu wa pili sitaki, Wa 'l Kofu na Iraki, Peke yangu nawadhiki, Mkaitoka biladi
804. Na sasa matungu yangu, Sijutii roho yangu, Nakumbuka ndugu yangu, Yatakayo kumbidi
805. Namkumbuka Huseni, Na jeshi ya maluuni, Wala hanayo yakini, Kwamba wametamaradi
806. Baada sayo nanena, Abidallahi laana, Akawambia watwana, Endani naye baidi
807. Mkamkate rasiye, Ajili mniletee, Watumwa wakenda naye, Wakenda kumuhusudi
808. Akenda akauwawa, Shahada akamkuwa, Ya Rabi wake Molewa, Na Mtume Muhamadi
809. Kashahadia Jalali, Na Mtume Murisali, Wakisha kumkutuli, Roho yake naradidi
810. Roho yake Mselemu, Ikenda fi 'nnaimu, Hurri 'l aini fahamu, Wote wakashua yadi
811. Mikono wakashuua, Rohoye ikapokewa, Fi'l jana ikatiwa, Kunako njema baridi

812. Kisha sayo niwambie, Wakaitwaa rasiye, Na ya Khani rafikiye, Zote wakazijalidi
813. Kitwa chake muumini, Na kile kitwa cha Khani, Vikenda kwa Sultani, Hakimu wao Yazidi
814. Kifika vikatolewa, Yazidi kafurahiwa, Na kaumu kaitoa, Nyingi isiyo idadi
815. Akawambia endani, Mkamngoje Huseni, Mkifika simamani, Nyinyi na bun Ziadi
816. Huseni akiwasili, Upesi kumkutuli, Na rasiye tasihili, Na ije pasipo budi
817. Basi wakenda khaliki, Wana panga kwa mikuki, Wakiwasili Iraki, Na Kofu wakakhalidi
818. Wakaketi kusikiza, Na watu kupeleleza, Kula ndia wakitunza, Kumtazama Sayyidi
819. Hata sikuye kwa mbele, Khabari wazisikile, Kwamba Huseni ajile, Hayuko tena baidi
820. Kaja aba Abdalla, Inshaallah taala, Naye yupo Karabala, Hapo shatii' l wadi
821. Karabala amefika, Na kesho atakondoka, Siku haba zikifika, Aja miliki biladi
822. Abidallahi pulika, Kuipatakwe hakika, Mno akafurahika, Na kutengeza junudi
823. Katengeza asikari, Bi yamini wa yasari, Na kula penye khatari, Kapatengeza jadidi
824. Akazizuia ndia, Mjini za kungilia, Pasiwe pa kupitia, Kwa majiwe kujamidi
825. Tena mbiu ikalia, Katika zote karia, Maneno akiwambia, Abidallahi kanadi
826. Akamba ya farisani, Nnani keno nnani, Mwenda vita vya Huseni, Hamsalimu junudi
827. Nnani aviwezaye, Akenda twaa rasiye, Enzi akapewa yeye, Kwa myaka kumi idadi
828. Akapewa uhakimu, Kwa myaka kumi timamu, Kwisha sayo kukalimu, Pana mmoja hasidi
829. Hayo akayakubali, Huseni kumkutuli, Na jina lake nakuli, Omari bun Saidi
830. Akamba mimi takwenda, Huseni kwenda mtinda, Na utakalo tatenda, Nitimilize ahadi
831. Basi kapewa kaumu, Kuwa yeye mkadamu, Na maamiri fahamu, Majina tawaradidi
832. Wa kwanza bun Hasini, Akapewa alufeni, Kamba simba ghadhibani, Ukali kama asadi
833. Bun Rabia wa pili, Aliopewa rijali, Alufu kumi na mbili, Kandamana na junudi
834. Bun Shiati sikia, Akapewa zikwi mia, Kaambiwa tangulia, Akatoka Muhamadi
835. Alipewa farisani, Watu wa kwenda vitani, Idadi arubaini, Eflu zisizo budi

836. Tena akapewa Hari, Sita alfu jifiri, Walio kama namiri, Akenda bun Yazidi
837. Na Hajari tabaini, Akapewa farasani, Theneni wa ishirini, Alufu wenye hadidi
838. Wakaamrisha mwendo, Na kwenda tenda kitendo, Wakenenda kama nondo, Majimbo yote na wadi
839. Amiri akadhukuri, Endani enyi jifiri, Na amri kwa Omari, Jamii yote junudi
840. Sikizani amriye, Pasiwe ambishaye, Kwa jamii wetikie, Inshallahu Sayyidi
841. Basi wakafuatana, Pasi kuona mchana, Kwa ghubari kufungana, Mchana ukasawidi
842. Wakafika Karabala, Wakazitoa kafila, Wasibakie mahala, Bara yote wakabidi
843. Mito wakaizuia, Ya maji ya kutumia, Pasiwe kuona ndia, Hali ya jeshi kuzidi
844. Wakazuia mitoni, Na maji ya visimani, Kumzuia Huseni, Yeye na wake waladi
845. Huseni akitazama, Kushuka wangi kauma, Na kuzuiwa visima, Na watu kama juradi
846. Kashika yake hasadi, Kawakabili kaumu, Mbele yao akakumu, Kasimama akanadi
847. Akatamka Huseni, Ya kaumu sikiani, Mwanijua ndimi nani, Na baba yangu na jadi
848. Au la jina la mama, Mwalijua ni kusema, Wakatamka kauma, Wakamjibu Sayyidi
849. Ndiwe Huseni rijali, Na babayo Shekhe Ali, Na mama yako Batuli, Na babuyo Muhamadi
850. Huseni akawambia, Kumbe hayo yawelea, Kisa cha kunizuia, Maji na wangu waladi
851. Mwanizuia sharabu, Kesho mbele ya Wahabu, Ndombezi wenu ni babu, Hiyo siku ya mnadi
852. Au maji hamtaki, Siku ya kutaharaki, Jamii wakanatiki, Jamii wakamrudi
853. Twayajua kama hayo, Ndombezi kuwa babuyo, Waama leo rohoyo, Kutoka haina budi
854. Na mngawanya haudhi, Ni babuyo muridadi, Waama kufa faradhi, Katwaa Maka hurudi
855. Majambo yake babuyo, Yanatupata na moyo, Hayeshi tukili nayo, Yanatuchoma fuadi
856. Kusikiakwe Huseni, La haula kabaini, Illa billahi Manani, Kashika ndia karudi
857. Akarudi akilia, Kwa mambo kumzingia, Hemani alipongia, Wote wakamshahidi
858. Kulia kwake Huseni, Wakalia nisiwani, Na vijana mikononi, Na rijali na abidi
859. Tena wakanyamazana, Basi Huseni kanena, Hema ijengeni sana, Na boma liwe jadidi

860. Basi hema zikakita, Pasi mahali kupita, Na boma kama ukuta, Likawa gumu shadidi
861. Boma lilipotulia, Usiku ulipongia, Huseni akawambia, Wenziwe kawaradidi
862. Wenziwe kawabaini, Afadhali kimbieni, Mtukue nisiwani, Hivi sasa msharidi
863. Tokani hivi laili, Hata kukicha mmbali, Maana hiki kitali, Ni changu mimi wahidi
864. Tokeni enyi wenzangu, Mniwate peke yangu, Na rehema kwa Muungu, Nusura kwake Wadudi
865. Aliposema akesha, Wote wakanena hashu, Ya nini hayo maisha, Ufapo wewe Sayyidi?
866. Twaradhiwa tuyayuke, Ndipo nawe upatike, Ila kukuwata pweke, Sio yetu makusudi
867. Ufapo wewe Huseni, Maisha hayo ya nini?, Twafanyani duniani, Uondokapo Sayyidi?
868. Hayo wakisha mwambia, Huseni kafurahia, Na kumwomba Jalia, Na dua njema kazidi
869. Wakalala ni laili, Wakisoma na kusali, Kabiri na tahalili, Na salatu Muhamadi
870. Hata kukipambazuka, Wakamuomba Rabuka, Kwa kiu ilowashika, Wanawake na waladi
871. Wataka maji ya kunywa, Wayatafuta hawana, Akondoka Maulana, Akawendea junudi
872. Akatamka Huseni, Akamba ya Farisani, Nataka maji nipani, Kwa upesi na juhudi
873. Maji musiyazuie, Nayataka nitumie, Kwani sina nikhofuye, Wala aliyenizidi
874. Nipani maji haraka, Msifanyike dhihaka, Mkatafuta hilaka, Na kwangamia kusudi
875. Na hayo muazimuyo, Yote nayaona siyo, Maneno niwambiayo, Nipani maji nirudi
876. Wakatamka kaumu, Sikia bani Hashimu, Twakuwazia kuzimu, Katika zetu fuadi
877. Wala hapo hatwondoki, Wala maji huyateki, Ahadi ni kuhiliki, Wewe na wako junudi
878. Ewe Aba Abdalla, Katwaa hwendi pahala, Utakufa Karabala, Huna budi huna budi
879. Huseni akipulika, Mno akaghadhibika, Na upanga kaushika, Kawakabili junudi
880. Walipomuona aja, Wasende mbio pamoja, Ila mmoja mmoja, Kwa khofu kuu shadidi
881. Kukimbiakwe kauma, Huseni karudi nyuma, Akenda kunako hema, Na kaumu wakarudi
882. Na jamii watu wake, Wataka maji wateke, Wana waume na wake, Kiu inawashitadi
883. Watoto wamedhikika, Kwa roho kuwakauka, Asimamaye hwanguka, Hapo muweza jasadi

884. Kuyaonakwe yakini, Akondoka farasini, Akamwambia Huseni, Kanena ewe Sayyidi
885. Sayyidi nipa idhini, Nende hangie jeshini, Rabbi ataniauni, Kwa nusuraye Wadudi
886. Na Huseni akakuli, Baraka 'Llahu rijali, Takunusuru Jalali, Bi shufaa Muhamadi
887. Kwambia siyo jinsi, Akenda hima upesi, Dereya kajilabisi, Kanzu mbili za hadidi
888. Na upanga kaushika, Na fumo likigeuka, Farasi kamtandika, Kamkalia jawadi
889. Akajitia jeshini, Kama wingu na tufani, Bi shimali wa yamini, Kwenda huko na kurudi
890. Kiwakata vyao vichwa, Kiwaua kiwangusha, Ukinga mwamba kuosha, Wenye wingu na baridi
891. Kawatia mautini, Alufu na miateni, Kauwawa muumini, Rahema 'Llahu Wadudi
892. Akanguka Islamu, Kashahadia Karimu, Na Mtume Muungamu, Swala 'Llahu wa Sayyidi
893. Roho yake Muumini, Ikenda fi'l janani, Kuona sayo Huseni, Kawakabili junudi
894. Kawangia katikati, Akawanyesha mauti, Yamini na shimalati, Wote wakamsharidi
895. Akawaua Huseni, Jumlaye alufeni, Kampata Muumini, Waliye kumuhusudi
896. Kamfika maitiwe, Kamshika mkonowe, Huseni kapiga yowe, Kulia na kuradidi
897. Akalia akinena, U wapi babu Amina, Leo kwamba waniona, Wanitendavyo junudi?
898. Na baba yangu Alii, Na kwamba leo uhai, Ingalishuka samai, Kwa hurubu kushitadi
899. U wapi baba Sharifu?, Ukaja ukawashufu, Wa Iraki na wa Kofu, Watakavyo nihusudi
900. Akawasili hemani, Kamuweka pale tini, Wakalia nisiwani, Na jamii ya junudi
901. Kulia wakiomboa, Na mikono wakinua, Na kuomba njema dua, Kwa Mola wetu Wadudi
902. Kimaa kunyamazana, Pana mmoja kanena, Nirukhusu Maulana, Nende hawane jihadi
903. Akamba katawakali, Ukamuombe Jalali, Akajifunga kwa kweli, Seifuye ya hadidi
904. Kimaa kushika sefu, Akawangia wa Kofu, Kaua watu alufu, Kama umeme na radi
905. Na yeye wakamuwa, Kashahadia Molewa, Na Tume wake Rasuwa, Fi'l janna akabidi
906. Akangia Maulana, Akenda akapigana, Hata akenda muona, Kamtwaa akarudi
907. Akatoka na wa tatu, Akenda jeshi ya watu, Yali hivyo wanakwetu, Kwenda wahidi wahidi



908. Na kadiri atokaye, Yuapigana pekeye, Akaua auaye, Alufu au zaidi
909. Na pindi akiuawa, Huseni amtukuwa, Tena akirehemewa, Na Mola wetu Wadudi
910. Kiuawa Muumina, Huseni yuapigana, Hata akenda muona, Hapo alipo shahidi
911. Wakangia mautini, Jamii watu sitini, Kabaki yeye Huseni, Na wale wake waladi
912. Watu sitini fahamu, Wote wakenda kuzimu, Wakabakia ghulamu, Na baba yao Sayyidi
913. Na kiu imekithiri, Watoto wataghayari, Wala hawana shauri, Kupata maji baridi
914. Watoto wamedhikika, Kwa kiu ilowashika, Na maji wakiyataka, Wanazuia junudi
915. Wanawake na vijana, Wapita povu la kanywa, Kazi yao hulizana, Na sala na kusujudi
916. Wamsabihi Jalali, Na sala na tahalili, Kwa mtana na laili, Wa katika kuabidi
917. Huseni akibusiri, Kamtwaa nakhubiri, Mwanawe Ali saghiri, Kijana fi'l mahidi
918. Kijana hajaachishwa, Bado akalinyonyeshwa, Mwana mchanga kabisa, Hazidi mwaka wahidi
919. Kamtukuwa Huseni, Kamuweka mkononi, Akenda naye jeshini, Maneno akaradidi
920. Huseni akabaini, Nataka maji nipani, Kwani huyu ghulimani, Atishi imemzidi
921. Ngawa fanyani huruma, Kwa huyu mwana yatima, Hakumaliza kusema, Mshare ukambidi
922. Mshare ukaja hima, Kapiga yule ghulama, Huseni akitazama, Wanakwisha muhusudi
923. Mshare ukaja mbio, Ukamkata shikio, Kijana keta kilio, Na damu kutamaridi
924. Kijana kafazaika, Kina akipapatika, Kwa shikio kukatika, Naye kijana waladi
925. Babaye akamshika, Kifuani kamuweka, Keno akasikitika, Na kilio akazidi
926. Kenda nayo iyo hina, Akafika kwa Sakina, Ikiwa ni kulizana, Kwa msiba kuwashidi
927. Wakalizana kabili, Wote wana na wavyele, Kwa siaha na kelele, Waungwana na abidi
928. Wakinyamaza yuani, Kondoka katabayani, Mtoto wake Huseni, Jina ketwa Muhamadi
929. Akamwambia amuye, Nipa rukhusa ningie, Naradhiwa nangamie, Kama kuona taadi
940. Alufu wa thamanini, Kawatia mautini, Ndipo akanguka tini, Wakampiga hadidi
931. Akaumba Murisali, Kuwa yeye afadhali, Wa akheri na awali, Bora wao Muhamadi

932. Bora ya watu babuyo, Alomzaa babayo, Akaumbwa na babayo, Akawa yeye asadi
933. Kapewa dhu' l Fukari, Akawapiga kufari, Hata wakataghayari, Pasiwe mwinua yadi
934. Na pepo alowekewa, Ni babu yako Rasuwa, Babayo enda tukuwa, Hiuliwa 'l hamdi
935. Na sisi tu wana wao, Tuzawa ni watu hao, Nnani watupitao, Katika wote junudi
936. Na haya ni makutubu, Yandishiwe ni Wahabu, Kula litalotusibu, Ni amri ya Wadudi
937. Na sasa nipa idhini, Nikaingie jeshini, Huseni akabaini, Naamu wangu waladi
938. Naamu uliyonena, Siwezi kurudi tena, Mtawakali Rabana, Kijana kajizadidi
939. Kajifunga upangawe, Akapanda farasiwe, Kawapoa kama mwewe, Harubu ikashitadi
930. Maana Rabi Molewa, Alimuomba Rasuwa, Kampa haja na kuwa, Kupita wote ibadi
941. Akapiga ukelele, Huseni njoo uole, Hawana wako wavyele, Na babuyo Muhamadi
942. Huyu bibiyo Khadija, Na muombezi wa waja, Na Hasani wa pamoja, Na Fatuma wangu Jadi
943. Na babayo Shekhe Ali, Njoo hima tasihili, Kusikiakwe makali, Sefu kaitakaladi
944. Akaushika upanga, Mwana wa anga kwa anga, Kangia akawachenga, Kama fisi na asadi
945. Hata akamdirika, Miongoni kimweleka, Matozi yakimwaika, Kilio kikashitadi
946. Kufika kunako hema, Huseni kashika tama, Ali papo usimama, Kalia mno Sayyidi
947. Zainabu na Sakina, Zaina 'l abidina, Jamii wakalizana, Pasibakie wahidi
948. Na 'l Umi Kulithumu, Kalia mno fahamu, Na jamii ya ghulamu, Kilio wakaamidi
949. Na Fatuma na Rukia, Wakashitadi kulia, Keno wakipindukia, Kwa kilio kuwazidi
950. Wakashukuru Taala, Akatoka Abdalla, Bin Huseni Fadhila, Kawakabili junudi
951. Jeshini akjitia, Muda wa saa kungia, Alufu wa sita mia, Kawaua asibudi
952. Ndipo naye kauwawa, Kashahadia Molewa, Pepo zimefunguliwa, Mola wetu akanadi
953. Akatamka Manani, Enyi mahuru 'l aini, Simamani simamani, Kwa shime na jitihadi
954. Mpokee roho zao, Viumbe niwapendao, Ni laula baba yao, Kusinge kitu abadi
955. Roho zao zitwaeni, Zisanguke mtangani, Wakaja huru 'l aini, Hapo panapo jihadi

956. Kwa kila auawaye, Wakapokea rohoye, Pasibaki abakiye, Jamii wote waladi
957. Wana sabaa ashara, Wote wakenda akhera, Kwa uwezo wa kudura, Yake Muungu Wadudi
958. Kabaki pweke Huseni, Na upanga mkononi, Akitazama yamini, Asione msaadi
959. Akitazama yasiri, Asione mshauri, Kalia akakithiri, Hata akapita budi
960. Baada kulia kwake, Wakalia wanawake, Kwa Huseni kuwa pweke, Na vita vimeshitadi
961. Junudi yangalizana, Kwa usiku na mtana, Hapana kusikizana, Kwa wangi junudi
962. Ni kamkam malaki, Walioko wanafiki, Hawana walipobaki, Majimbo yote na wadi
963. Wamekutana sufufu, Kamkam maalufu, Kwa mafumo na suyufu, Walizo kutakaladi
964. Kuona bun Imamu, Kuzidi mno kaumu, Kondoka kutayamumu, Kasali akisujudi
965. Akamuomba Rabana, Mwenye ezi Subhana, Baada sayo nanena, Kandoka kajizadidi
966. Kangia kajiwadaa, Pambo ambalo lafaa, Na kofia akavaa, Isiyo shaka na budi
967. Kofia yake kitwani, Ya hadidi mbayani, Ya tokea Adnani, Ya tangu jadi na jadi
968. Akajivika kilemba, Cha maidani kutamba, Ghadhabu akinga simba, Na uso kama asadi
969. Akaishika na sefu, Ka'l bariku khatifu, Ya Abdi 'l Manafu, Izoelee jihad
970. Akalishika fumole, Ukali likinga ghule, Likitisha mlekule, Aliye mbali baidi
971. Akaishika turusi, Ya chuma kingi suwesi, Hata akavuma kusi, Haimpati baridi
972. Dereya sita za chuma, Muili wote mzima, Asiosaze alama, Wote wenele hadidi
973. Na thelatha suruali, Za chuma kingi thakili, Jini na simba wakali, Wote wakamsharidi
974. Kamkali farasi, Kinga umeme wa kusi, Na wingu nene jeusi, Lenye kiza na baridi
975. Akasimama Huseni, Kawaaga nisiwani, Kwa kherini kwa kherini, Nenda zangu sitarudi
976. Kwa kherini wanakwetu, Namuomba Mola wetu, Nasi makutano yetu, Kesho mbele ya Wadudi
977. Kwa kheri ewe Sakina, Zaina 'l abidina, Wake wote na vijana, Na jamii ya waladi
978. Kwa kherini ndugu zangu, Na jamii ya wanangu, Nawaaga nenda zangu, Tena nendako baidi
979. Msikithiri kilio, Tulizani yenu moyo, Kwani Rabi andikayo, Kujiri hayana budi

980. Kwishakwe sema yuani, Wakalia nisiwani, Na jamii ghulmani, Kilio kikashitadi
981. Wakalia na majini, Na nyama wote yakini, Wa bara na baharini, Hata ndege na asadi
982. Kwisha sayo kukalimu, Kamzinza bahaimu, Kaelekea kaumu, Kasimama akanadi
983. Anaa mwana wa enzi, Mwana wa jua na mwezi, Ndiswi waliza walinzi, Na waliotabaradi
984. Ndiswi watenda vitendo, Ndiswi wamwanga uvundo, Ndiswi tumezao nondo, Kula panapo jihadi
985. Ndiswi wavunda milima, Ndiswi wondoa nakama, Ndiswi wondosha kilima, Ndiswi wavunda junudi
986. Kaumu wakisikia, Jamii wakakimbia, Pasi mtu kubakia, Wote wakamsharidi
987. Kwa kumuona haliye, Kifungo na libasiye, Na hayale manenoye, Wakamkaa baidi
988. Huseni akawambia, Haifai kukimbia, Hamna pa kungilia, Hata mahali wahidi
989. Kukimbia hakufai, Kwani zimekwisha rai, Hapana tena uhai, Mimi na nyinyi junudi
990. Basi akajelemeza, Katika wimbi na kiza, Subhana ya Aziza, Ajua yeye Wadudi
991. Akajitia jeshini, Kama wingu baharini, Watu wangukao tini, Huwezi kuwaadidi
992. Sefu ikatenda kazi, Na farasi kanywa wazi, Na awezapo pumzi, Zawalika kama radi
993. Farasi ni Maimuni, Wa Shekhe Aba Huseni, Mzoea upigani, Vita vyote vya jihadi
994. Farasi kaghadhibika, Hako muweza mshika, Yuaruka akiruka, Na kwelelea junudi
995. Farasi akinga simba, Na kivumi kama mwamba, Na maiti wamewamba, Majimbo yote na wadi
996. Akawana Muarabu, Vita vikubwa ajabu, Na uso kutaghadhabu, Ghadhabu kubwa shadidi
997. Pakondoka tushitushi, Kama dharuba ya moshi, Kwa kuwazuia jeshi, Na ghadhabu kumzidi
998. Sefu ikatenda kazi, Kama wembe wa kinyozi, Kumpiga hawawezi, Kwa nguvu aliwazidi
999. Nchi ikafunga kiza, Na damu ikifuaza, Pasiwe na kusikiza, Kwa vita kupita hadi
1000. Dunia ikahamiri, Wakaliona ghubari, Watu walio Misiri, Na walio Baghdadadi
1001. Na wa Maka na Madina, Ghubari wakiliona, Wakafazaika sana, Kwa nahari kusawidi
1002. Kharisani na Hijazi, Ghubari li waziwazi, Kwa mwana kutenda kazi, Iliyo katika yadi
1003. Ghubari likisabiki, Basara na Dimishiki, Yemeni na Yarimuki, Sanaa na Sandidi

1004. Na watu walio Rumu, Wakiliona fahamu, Ghubari kubwa adhimu, Wasilijue mradi
1005. Pasiwe asikiaye, Wala mtu aonaye, Wala mwenye akiliye, Zote zikawasharidi
1006. Pasiwe mwenye turusi, Wala mwendesha farasi, Kwa siaha na siasi, Awauavyo Sayyidi
1007. Pasiwe mshika fumo, Wala atokaye humo, Hali ya kiungurumo, Apita wote asadi
1008. Pasiwe mwenye fahamu, Wala akili timamu, Wote wali maghumumu, Wao na wao jawadi
1009. Pasiwe muweza toka, Wala muweza kwondoka, Kwa hali ya kutoweka, Wangi wasio idadi
1010. Kula mtu akadhani, Viumbe hata majini, Mbingu zinakuja chini, Haziko kule baidi
1011. Wakadhani kwa hakika, Samai zimekatika, Na mawingu yameshuka, Hapana shaka na budi
1012. Malaika wa samai, Wote wakatafazai, Hawashuki hawapai, Kwa fazaa na fuadi
1013. Majini na Malaika, Wakamuomba Rabuka, Huseni kunusurika, Allahumma Ya Wadudi
1014. Viwayo na dharubaye, Sawasawa na babaye, Watu wakasema ndiye, Apiganaye jihadi
1015. Wote wakasitatii, Apiganaye Alii, Kumbe hakufa yu hai, Daima zote abadi
1016. Akawatawanya damu, Huseni bun Imamu, Ikenenda milizamu, Kula bara ikabidi

## UTENZI WA IMAM HUSEN

### UTENZI WA KISA CHA SAYYIDNA HUSSEIN

1017. Damu ikenda mafumbi, Ikafuza mawimbi, Na maiti kama numbi, Wangamiavyo junudi

1018. Wakatazama rijali, Harubu ya bin Ali, Jamii wakenda mbali, Wote wakatabaidi

1019. Maji wakamuachia, Waliyo kuyazuia, Jamii wakakimbia, Masahirai na wadi

1020. Visima wakaviwata, Wakenenda asitata, Kwa msiba kuwapata, Mkubwa usio budi

1021. Akatamka Huseni, Akawambia njooni, Muje mukae mitoni, Haifai kusharidi

1022. Njoni munizuilie, Maji nisyatumie, Kula amsikiaye, Kukimbia akazidi

1023. Kula msikia hayo, Maneno ayasemayo, Yuazidi kwenda mbio, Kwa upesi na juhudi

1024. Akenda zake Huseni, Hata kafika mtoni, Akashuka farasini, Kwa salama na suudi

1025. Kuona maji farasi, Akenika yake rasi, Kwa atishi na asisi, Kubwa iliyomshidi

1026. Huseni kamkemea, Ya Maimuni sikia, Dhuria wake Nabia, Atishi imewazidi

1027. Haifai kunywa wewe, Sharuti wapelekewe, Ndipo nafusi zituwe, Mimi na wewe turudi

1028. Maimuni kasitahi, Na kuwujuba Illahi, Akaona ni asahi, Maneno yake Sayyidi

1029. Huseni akangalia, Kutaka cha kutekea, Mara ile kasikia, Makelele na mnadi

1030. Wakamwambia Huseni, Wewe u huko mtoni, Lakini huko hemani, Wanakuwako junudi

1031. Wanawake wametekwa, Na buweti na mikeka, Huseni akipulika, Kamrukia jawadi

1032. Kumbe vile ni hadaa, Wamwita kumsawaa, Akatoka kwa fazaa, Kukimbilia waladi

1033. Hata mbele kiwakuta, Wakampiga kwa nyuta, Mishare ikampata, Sabiini kwa idadi

1034. Wakampiga sahamu, Sabaa kumi timamu, Tena akenea damu, Katika yote jasadi

1035. Tena wakamdafiri, Asimuweze bairi, Kashahadia Jabari, Na Tumwawe Muhamadi

1036. Akajua ni mauti, Haihati haihati, Kila kilicho hayati, Na kufa hakina budi

1037. Akashuka farasini, Akanguka pale tini, Wakakutana laini, Ili kuja muhusudi

1038. Pana mmoja kuhani, Jina lake sikiani, Bun Dhu'l Jaushani, Aduwa 'llahi Wadudi

1039. Jina akitwa Shamru, Aduwa 'l'lahu Ghafuru, Akaikabili nuru, Kwenda yondoa jasadi
1040. Akenda hima upesi, Kwenda iondoa rasi, Akamvua libasi, Na dereya za hadidi
1041. Tena Huseni kanena, Kifunue chako kanywa, Huenda nikayaona, Aliyonambia jadi
1042. Kanywa akakifungua, Huseni akimuoa, Kicheko akakyangua, Kacheka sana Sayyidi
1043. Shamru kamuuliza, Wacheka nini neleza, Naye akamrudiza, Alisema Muhamadi
1044. Alinambia Rasuli, Atakaye kukutuli, Takupa yake dalili, Ajaye kukuhusudi
1045. Kanywani yuna shairi, Mithili kama hinziri, Na mbalanga asfari, Na uso wa l' Kurudi
1046. Nami nimezibaini, Katika mwako kanywani, Ndipo hasema yakini, Babu aliyoradidi
1047. Kwisha sayo nikwambiye, Akaishika sefuye, Akamkata rasiye, Kwa seifi ya hadidi
1048. Akisha akaishika, Fumoni kukitungika, Nchi ikahamirika, Ikazuka na baridi
1049. Yakacheza majabali, Kwa ghadhabu za Jalali, Wakaiona nakili, Hilaki inatubidi
1050. Wakisha sayo yuani, Wakenda kule hemani, Wakatwaa nisiwani, Na vyombo vya kusafidi
1051. Wakavichukua vyombo, Wakawavua mapambo, Wakawavika visambo, Mtu hawezi radidi
1052. Na farasi Maimuni, Aliyepanda Huseni, Akelekea barani, Hata leo hajarudi
1053. Akisha kurambaramba, Na kulia na kusamba, Muungu akamuomba, Akenda zake baidi
1054. Muiliwe sikiani, Akazikwa ni majini, Ambao ni waumini, Wasalio tahajudi
1055. Majini wakikutana, Jumla wakilizana, Akazikwa Maulana, Jamii yake jasadi
1056. Baada hayo nakuli, Walio kumkutuli, Wakesha kutwaa mali, Na wote wake waladi
1057. Kitwa chake muumini, Wakakitia fumoni, Wakarejea mjini, Kwa zumo na kujinadi
1058. Katukuliwa Sakina, Na jamii ya vijana, Zaina'l abidina, Pasibakie wahidi
1059. Wakenda wali mateka, Dhuria wa Nabiuka, Hata Kofu wakifika, Magoma yakashitadi
1060. Wakangia kwa mazumo, Shindo na kiungurumo, Kelele kwa mitetemo, Na furaha za fuadi
1061. Tena ikiwa kuteza, Kwa neno kuwapendeza, Na khabari wakeneza, Tumeupata mradi
1062. Siku tatu wakakumu, Kwa ngoma na baragumu, Kwa siku yane fahamu, Wakenenda kwa Yazidi

1063. Kitwa chake Maulana, Kikenenda na vijana, Kifika kwa wao bwana, Wakafurahi shadidi
1064. Yazidi kafurahiwa, Kwa mradi umekuwa, Na Huseni kuuawa, Ndio yake makusudi
1065. Wakiwasili kaumu, Kwa ngoma na baragumu, Kaitengeza karamu, Kuwakirimu junudi
1066. Wakala wote khaliki, Khabuzi na mishikaki, Yazidi akanatiki, Yajili hima kunadi
1067. Akawambia Nadini, Msibakie mjini, Amtajaye Huseni, Yuataka jihusudi
1068. Huseni amtajaye, Au amkumbukaye, Atachinyanga nyamaye, Hapana shaka na budi
1069. Basi mbiu ikalia, Katika biladi pia, Pasiwe kumsikia, Amtajaye Sayyidi
1070. Katoka mtu mmoja, Huseni akamtaja, Hapana shaka na hoja, Mauti yanambidi
1071. Baada sayo nanena, Akamuweka Sakina, Na wote wake vijana, Nyumba mbovu ya abidi
1072. Kapewa nyumba dhaifu, Pasiwe na masurufu, Na ambaye amshufu, Yuambiwa hima rudi
1073. Pasi kupewa chakula, Wala nyumba ya kulala, Wala kwenenda mahala, Siku nyingi zikabidi
1074. Akawakusa mashaka, Myezi miwili pulika, Wa tatu wakifumbuka, Wapendao Muhamadi
1075. Wakenenda Isilamu, Wapendao Muungamu, Na roho zili na hamu, Hata mbele ya Yazidi
1076. Maneno wakadhukuri, Wakamba ewe Amiri, Tujile kusitajiri, Utukidhie mradi
1077. Huseni ameondoka, Hapana tena shabuka, Lakini hawa mateka, Twataka kwao yarudi
1078. Umekidhi mradio, Kama ule utakao, Hawa ni kurudi kwao, Ya nini kuwahasudi?
1079. Kwani mshindani wako, Umemwondoa hayuko, Kwisha sayo matamko, Aketikia Yazidi
1080. Yazidi akabaini, Na wende watu miteni, Watukue nisiwani, Pamoja na auladi
1081. Wenende hata Madina, Wampeleke Sakina, Kimaa sayo kunena, Safari kaizadidi
1082. Yazidi akawatoa, Dhuria wake Rasua, Wenenda wakizomewa, Kwa ushinde kuwabidi
1083. Wakayandama safari, Kwenda zao ansari, Wakayelegea bari, Kawanusuru Wadudi
1084. Madina wakiwasili, Wakangia kwa laili, Mtana wasikubali, Kwa walivyotasawadi
1085. Kwa hali walivyodhofu, Dhuria wa Muongofu, Wakenda wakawakifu, Nyumba waliyorajidi
1086. Kwa baba yao Alia, Ndio nyumba walongia, Asubuhi wakilia, Kilio kikashitadi



1087. Wakimaa kulizana, Watu walio Madina, Kula mtu akanena, Ni lipi lililobidi
1088. Wakauzana kunani, Wakambiana Huseni, Radhia Ilahu Manani, Dhuria wake Sayyidi
1089. Huseni ametawafu, Katika nchi ya Kofu, Walipigana kwa sefu, Harubu kubwa shadidi
1090. Walikutana khaliki, Wa Kofu na wa Iraki, Na walio Dimishiki, Kwa amri ya Yazidi
1091. Wakazuia sharabu, Kapigana Muarabu, Vita vikubwa ajabu, Hata wakamuhusudi
1092. Walipokwisha wanawe, Na jamii ya watuwe, Akapigana mwenyewe, Ajali ikambidi
1093. Wakimaa kwambiana, Watu walio Madina, Wakangia kulizana, Wazee na 'l muridi
1094. Kilio kikatawili, Kwa wake na marijali, Kelele zikenda mbali, Zikenda mno baidi
1095. Jamii muhajirina, Na watu walo Madina, Wakimuola Sakina, Sikitiko wakazidi
1096. Wakalia kwa kelele, Kula mtu wangu ole, Wa nyumba henenda mbele, Na wa mbele akarudi
1097. Walikwenda kumngoja, Wakashikana pamoja, Pasiwe shaka na hoja, Kwa machozi kuwabidi
1098. Zikaenea khabari, Madinati mnawari, Na kilio cha fakhari, Kasikia Muhamadi
1099. Bun Khanifa kabili, Akasikia kelele, Kauliza pole pole, Katika wake waladi
1100. Muhamadi akanena, Mnani leo Madina, Mbona watu walizana?, Vijana wakaradidi
1101. Vijana wakamkuwa, Huseni ameuawa, Na watu alotukuwa, Jamii hawakurudi
1102. Kauawawa Maulana, Na wote wake vijana, Aliyekuja Sakina, Hawakubaki junudi
1103. Alipowasili Kofu, Wakakutana sufufu, Ambao ni mausufu, Watambua hadidi
1104. Wakamzuia maji, Kasimama kawahoji, Akisha zake hujaji, Siku mbili zikabidi
1105. Kiona hawakubali, Kawangia kwa kitali, Wakauawa rijali, Asibakie wahidi
1106. Na wana alotukua, Jamii wakauawa, Naye akakutuliwa, Dhuriawe Muhamadi
1107. Walipigana mahala, Jina lake Karabala, Naye Aba Abdalla, Kaua wengi junudi
1108. Huseni akauawa, Rasi wakaitukua, Kwa baragumu na siwa, Kupelekewa Yazidi
1109. Maneno yakishilia, Muhamadi kasikia, Ghadhabu zikamngia, Zilizo kubwa shadidi
1110. Akangiwa ni ghadhabu, Zilizo kubwa ajabu, Uso wake Muarabu, Wote ukatajamidi

1111. Kutetema munhari, Macho yakatahamari, Mishipa ikanafiri, Katika yake jasadi
1112. Mishipa ikasimama, Na muili ukivuma, Ali akiunguruma, Kama nondo na asadi
1113. Muili ukahariki, Kwa kukazana uruki, Watu wakataharuki, Kwa ghadhabu kushitadi
1114. Muili wake hakika, Wote ukahamirika, Kwa ghadhabu kumshika, Na msiba kumzidi
1115. Damu yali ikijiri, Kwa ghadhabu kukithiri, Muili ukanafiri, Na kucheuka nabidi
1116. Hata akisha kilio, Ghadhabu akali nayo, Kasimama mara hiyo, Kamuagiza jawadi
1117. Kamuagiza farasi, Akija kamlabisi, Pambo kubwa la utesi, Lisilo shaka na budi
1118. Akampamba rikabu, Pambo kubwa la harubu, Liwezalo kughilibu, Kati kati ya junudi
1119. Kitolea farasiwe, Akajipamba mwenyewe, Mkitaka mtajiwe, Pambole taliradidi
1120. Kwanza akajilabisi, Kofia tatu suwesi, Akaifinika rasi, Kwa kofia za hadidi
1121. Kula kofia hakika, Watu kumi kujitwika, Hawawezi kuinuka, Kwa uzito kuwazidi
1122. Akajivika amamu, Ya chuma kingi kigumu, Kinga jabali adhimu, Au wingu la baridi
1123. Na uso akiuwamba, Kwa tamvua la kilemba, Nondo na chui na simba, Yeye ni bora zaidi
1124. Kilemba kikitolea, Singo yote na lahea, Na uso wake jamia, Ila mato kushuhudi
1125. Akavaa muilini, Dereza zake yakini, Wahidi wa ishirini, Za hadidi msafidi
1126. Akavaa nakhubiri, Mahazamu ya sifuri, Na hadidi mnawari, Aliyo kujizadidi
1127. Na suruali tisia, Zake alizozivaa, Kuona huwezi kaa, Karibu wala baidi
1128. Suruali za suwesi, Alizovaa mtesi, Na joho kajilabisi, Thamaniati idadi
1129. Kula nguo nakhubiri, Khufu nne mnawari, Akajifunga khanjari, Ya kwenendea jihadi
1130. Akaishika sefuye, Khudumati 'l Hindiye, Na Rumuhi 'l Khatiye, Kama nyoka asawidi
1131. Na ngao kaiwajaza, Ya jadi wao Hamza, Kimaa kujitengeza, Kamrakibu jawadi
1132. Akampanda rikabu, Ali na nyingi ghadhabu, Kimaa kutakarabu, Kasimama akanadi
1133. Kasema ya Ansari, Na jamii Muhajiri, Nawaaga nasafiri, Enyi ahali biladi
1134. Nawaaga kwa kherini, Nyote mulio mjini, Kisasi chake Huseni, Kukitaka sina budi

1135. Nenda Kofu na Iraki, Nende haitake haki, Wala msitaharaki, Wala sitaki junudi
1136. Takwenda ingia Kofu, Niirakibu kwa sefu, Wala msitie khofu, Rabi atanisaidi
1137. Naapa enzi ya Mungu, Kisasi cha ndugu yangu, Ahadi farasi wangu, Damu ikome kabadi
1138. Naapa Rabi Karimu, 'l Kofu taikadimu, Nende haimwaye damu, Majimbo yote na wadi
1139. Naapa Rabi Jalia, 'l Kofu nenda ingia, Ahadi ni koglelea, Mimi na wangu jawadi
1140. Naapa Mwenye Kudura, Nenda imwaya humra, Waitafute nusura, Wasiione abadi
1141. Naapa Rabi Molewa, Damu takwenda itoa, Hata ikome kifua, Katika zao biladi
1142. Naapa Rabi Kudus, Takwenenda wanukusi, Ahadi wangu farasi, Damu ifike zanadi
1143. Naapa Rabi Manani, Kisasi chake Huseni, Hadi ifike singoni, Damu yao mayahudi
1144. Kaapa mara sabaa, Kiapo cha makataa, Jamii wakashangaa, Pasi mtu kuradidi
1145. Pasiwe amjibuye, Kwa kumuona haliye, Libasi na ghadhubuye, Hali ilivyomzidi
1146. Wote wakamkimbia, Majumbani wakangia, Keno wakajifungia, Kwa kumkhofu Sayyidi
1147. Wakazighaliki babu, Kwa kumcha Muarabu, Mtu aliyemjibu, Khalidi bun Walidi
1148. Yule Khalidi kakuli, Ewe mtoto wa Ali, Nali mimi na Rasuli, Beiti l' masijidi
1149. Tukali msikitini, Akatamka Amini, Huko akhera zamani, Kaja mtu hana budi
1150. Akatokea kijana, Minaye tumefanana, Kwa suraye hata jina, Yuaitwa Muhamadi
1151. Nanyi mutambaini, Siku ya kufa Huseni, Atangia msituni, Kwa ghadhabu kushitadi
1152. Atajifunga libasi, Vao lisilo kiasi, Akatafute kisasi, Biladi zake Yazidi
1153. Atoke kifika bara, Allahu Rabbi Ghafara, Tamshushia sitara, Iliyo kubwa shadidi
1154. Atangia sitarani, Yake Muungu Manani, Hata akheri zamani, Ndipo atakapobidi
1155. Kauli ya Muungama, Katwa hairudi nyuma, Na leo nina tuhuma, Kuwa wewe Muhamadi
1156. Tumwa alitakalamu, Kijana huyo ghulamu, Min banii Hashimu, Asili yao na jadi
1157. Na leo takufuata, Hangia ndani ya vita, Sikubali kukuata, Ukenda pweke Sayyidi
1158. Muhamadi kamjibu, Kite usende shaibu, Huwezi tena harubu, Kwa uzee kukuzidi

1159. Kisha sayo kutamka, Muhamadi akatoka, Kwa ghadhabu kumshika, Zilizo kubwa shadidi
1160. Kamwelekeza jamala, 'l Kofu na Karabala, Pasi kuola mahala, Wala Madina kurudi
1161. Akaikabili bari, Kwenda itafuta shari, Mule katika safari, Kitunza mbele baidi
1162. Akaliona jabali, Mbele limeshitamali, Akamzinsa jamali, Kulumeni akarudi
1163. Kufika akiliona, Jabali limefungana, Pa kupitia hapana, Kwa jabali kujadidi
1164. Kushotoni akifika, Pia limezunguuka, Na nyuma alikotoka, Kataajabu Sayyidi
1165. Hapana pa kupitia, Kwa jabali kuzuia, Kaka akatulua, Akashukuru Wadudi
1166. Pale alipwakifu, Akasikia khatifu, Mnada wake Latifu, Ukita Ya Muhamadi
1167. Ewe ibnu Khanifa, Bun akhi Mustafa, Wewe hapo hutokufa, Jamii zote abadi
1168. Ya bun Aba Huseni, Kaa hapa jabalini, Hata akheri zamani, Takutoa sina budi
1169. Utakwenda twaa shari, Ya mzawa Haidari, Miongoni mwa kufari, Nasara na mayahudi
1170. Kiapo umekhalifu, Kwenda wangia kwa sefu, Wa Iraki na wa Kofu, Damu ikome kabadi
1171. Nchi wenda ighariki, Tangu Kofu na Iraki, Basara na Dimishiki, Hakutabaki wahidi
1172. Nami ulivyoniapa, Utakayo nimekupa, Damu utamwaya hapa, Hata ikome fuadi
1173. Lakini kwamba saburi, Watamalaki kafiri, Ndipo utakapojiri, Utimilize ahadi
1174. Baada sayo nakuli, Likafungana jabali, Bi yamini wa shimali, Kufungana likazidi
1175. Rabi kamuweka ndani, Kamtia sitarani, Jina lake sikiani, Ndiye etwaye Muhudi
1176. Ndiye Muhudi ajaye, Nyote mumsikiaye, Na awali harubuye, 'l Kofu atakobidi
1177. Hatapigana mahala, Ahadi ni Karabala, Awatie zilizala, Jamii wote junudi
1178. Auwe bina adamu, Awachawanye na damu, Hata ifike lujamu, Alizofunga jawadi
1179. Damu nyingi imwagike, Ahadi farasi wake, Kifua na tumbo lake, Limfinike zabadi
1180. Atapigana pekee, Atimize ahadiye, Ya kisasi cha nduguye, Alichotoa ahadi
1181. Ahadi ikitimia, Farasi akogelea, Ndipo atarejeea, Kwao Madina arudi
1182. Akiwasili Madina, Watu watakimbizana, Hawamtambui jina, Kwa siku nyingi kubidi

1183. Awambie tuliani, Nawauza nambiani, Nani wenu Sultani, Mtamalaki biladi
1184. Nani mmiliki Rumu, Na Maka kwenye Haramu, Na Misiri na Shamu?, Kaumu wataradidi
1185. Watamwambia nasara, Aliyeshika ubora, Haikubakia bora, Mtu aliyetushidi
1186. Katika yote dunia, Hana alipobakia, Hata Maka amengia, Hakuna kutaabidi
1187. Hako mtu ahijiye, Wala mtu asaliye, Kwa nguvu na amriye, Ni huyo wetu Sayyidi
1188. Hayo akishapulika, Ataikabili Maka, Akawakuse mashaka, Kwa sefuye ya hadidi
1189. Awaue makufari, Na damu itanafari, Kama wimbi la bahari, Atamalaki biladi
1190. Wazungu akiwatoa, Ndipo mtazimkuwa, Ndiye tuliyekwambiwa, Ni Mtume Muhamadi
1191. Wote watatanabahi, Ndiye Muhudi asahi, Tena roho zifurahi, Mtabasamu fuadi
1192. Wamfuate kaumu, Aitamalaki Shamu, Akaipigana Rumu, Misiri na Bughudadi
1193. Nchi aitamalaki, Misiri hadi Iraki, Nti moja isibaki, Jamii zote biladi
1194. Ndipo ashuke Jedali, Awaghilibu rijali, Ya akheri na awali, Jamii nimeradidi
1195. Jamii nimeyanena, Yaliyo kutendekana, Ya Huseni Maulana, Vita vyao na Yazidi
1196. Jamii nimewambia, Sina nililobakia, Na kwamba mmesikia, Ni afadhali zaidi
1197. Kusikia afadhali, Na muonapo mahali, Palipo kutajahali, Afadhali kunirudi
1198. Ambapo mumeapaona, Palipokoseza vina, Ni afadhali kunena, Ndiyo yangu makusudi
1199. Mwenye kutunga shairi, Mtu mmoja fakiri, Hana tena tadhberi, Kwa unyonge kumzidi
1200. Afikiri akiwaza, Kwa dunia kumuenza, Kaziye ni kwelekeza, Kula jambo kufanidi
1201. Mwenye kutunga nudhumu, Hemedi yake isimu, Naye ni mtu dhamimu, Asiye shaka na budi
1202. Na Abdalla babaye, Saidi ndiye babuye, 'l Buhuri kabilaye, Asili yake na jadi
1203. Ndiye alokwelekeza, Shairi kulitengeza, Kuweza kutoaweza, Ila amejitahidi
1204. Na yeye muombeeni, Na mikono inueni, Amnusuru Manani, Na 'l adhabu shadidi
1205. Muombeeni Wahabu, Amwepushe na adhabu, Asairi taratibu, Yeye na wake waladi
1206. Mwinue mikono yenu, Mumuombe mwenzenu, Kwani ni malenga wenu, Katika zenu biladi

1207. Siku ya kuja kwondoka, Nyote mutasikitika, Na msiba mtaweka, Katika zenu fuadi

1208. Mtafute atungaye, Msimuone kamaye, Mshike tama mlie, Mpe u wapi Hemedi?

1209. Mumwite asiwetike, Mulie msikitike, Kila siku mukumbuke, Mfanye ile uradi

1210. Ndipo nikawadhukuri, Muombeeni Ghafuri, Uwe tawili umri, Kwa rehemaye Wadudi

1211. Tamati nimemaliza, Sitaweza kuongeza, Kwani hautapendeza, Nendapo mbali baidi

1212. Kwenenda mbali siwezi, Hauharibu utenzi, Ni hayo yangu wapenzi, Niliyo kuwaradidi

1213. Na baiti nadhukuri, Ni alufu nakhubiri, Wa miyatani suturi, Ithnashera zaidi Utenzi wa Hussein

Umetungwa na Hemed Bin Abdallah Bin Said Bin Abdallah Bin Masoud Al Buhry Katika miaka ya mwisho wa 1800.

### **SHARTI YA KUCHAPA**

Sharti ya kuchapa au kusambaza ni kutaja rejeo hili. haki zote zimehifadhiwa na Taasisi ya Al-Hasanain Taasisi ya Imamu Husein <sup>(a.s)</sup>

Site ya Al-Imaamaini Al-Hassanaini <sup>(a.s)</sup> ya usambazaji wa utamaduni wa Kiislamu na mafunzo ya Kidini.

### **MWISHO WA KITABU**

## **YALIYOMO**

<b>1</b> .....	<b>UTENZI WA IMAM HUSEN</b>
1 .....	MWANDISHI: HEMED BIN ABDALLAH BIN SAID
1 .....	UTENZI WA KISA CHA SAYYIDNA HUSSEIN
<b>13</b> .....	<b>UTENZI WA IMAM HUSEN</b>
13 .....	UTENZI WA KISA CHA SAYYIDNA HUSSEIN
<b>25</b> .....	<b>UTENZI WA IMAM HUSEN</b>
25 .....	UTENZI WA KISA CHA SAYYIDNA HUSSEIN
<b>36</b> .....	<b>UTENZI WA IMAM HUSEN</b>
36 .....	UTENZI WA KISA CHA SAYYIDNA HUSSEIN
<b>46</b> .....	<b>UTENZI WA IMAM HUSEN</b>
46 .....	UTENZI WA KISA CHA SAYYIDNA HUSSEIN
54 .....	SHARTI YA KUCHAPA
54 .....	MWISHO WA KITABU
55 .....	YALIYOMO